

瓦釜集  
坤

柳田文庫

文庫11

D 189

2

10

15

20

25

30

文庫 11  
D 189  
2

瓦全集卷七

平湖 高蘭曾 楚薌

重光單闕

敬觀 先文恪公早朝圖遺照恭題

不寐聽殘漏衣冠待早朝  
鳴珂趨玉陛辨色肅金  
貂綺陌晴光迴譙樓月影遙  
翹瞻雙鳳闕繚繞護雲霄

敬觀 先文恪公龍沙橐筆圖遺照恭題

一德 君臣契龍沙萬里行  
霜嚴鳴鏑勁日冷

御日泉文

010190558237

寶刀明迢遞雲千疊。逍遙路幾程。  
殊恩魚水得。投筆笑班生。

鞍馬賦從軍。

恩榮翰墨勳。先人信才武。

聖主眷忠勤。甲冑徵殊遇。風沙淡夕曛。拜觀慚負荷。孤陋伍鷗羣。

敬觀

先曾祖觀察公歸去來圖遺照恭題

十載擁旌旄。歸思賦大刀。翻然旋故里。長揖謝同曹。松菊有真意。田園非慕陶。明農兼務本。報國在清操。

敬觀

先君子漁樵問答圖遺照恭題

攜得知心伴。寂寥萬綠拋。盡隱漁樵。敲棊郭北情。同曠沽酒湖東手。共招流水高山。聯素侶。曉風殘月樂。熙朝而今展卷容如昨。苦憶清徽歲已遙。

題沈高士石田翁花陰貓戲圖

古今推畫手。遺貌貴存神。超然脫形似。乃得性情真。括囊元氣精。絕倫胸羅造化筆。無痕時師昧其旨。界劃爭齟齬。尺寸細摹倣。八法嚴剖分。縱得形

像拙變通真原既失非化工有明崛起石田翁抗  
懷高隱三吳中潛心詩畫寄幽抱貌得珍禽及花  
草吾家舊藏狸奴圖展卷直疑真不殊瀾漫生氣  
滿尺幅忽斷復續花徑迂或行或止或起臥花間  
出沒爭入化尙想先生下筆時心游八極旁無師  
胚胎萬類偶得此急起直書莫或遲迄今相傳三  
百年神妙獨到秋毫巔化機一片歎觀止我縱欲  
說忘言詮

題元方方壺畫雲山得意圖

山蒼蒼雲茫茫雲煙一片遙相望雲耶山耶競姿  
媚峰巒明滅雲低昂晴雲凝岫山逾秀空山無人  
雲滿岡中有幽士邱壑藏雲山臥看浮秋光人間  
圖畫那有此匠心獨見方壺方我生入骨愛山水  
對此那不喜欲狂急題數語書數行庶無他時過  
眼忘

題明文衡山所畫四景山水

平生山水緣痼疾煙霞癖乘風破驚瀾揚帆渡震  
澤素懷五嶽奇企念層城碧二豎不我容有志但

空憶警求三神山。可望不可即。何如幾幅圖。臥游  
 徧天隅。東上岱宗頂。南浮洞庭湖。西瞻峨嵋雪。北  
 據廬山梧。衡山四景四幅。春泰山夏廬山秋洞庭湖冬峨嵋雪。山齋虛以靜  
 安坐。歷崎嶇。咫尺極千里。崇巒互聳峙。步步入佳  
 境。無事勞舉趾。瀟湘木葉飛。秋雨溪雲起。峯腰圍  
 怪松。濤聲宛盈耳。隔巖分晦明。倏忽殊陰晴。梵宮  
 露林隙。金碧煥雕楹。徑僻石逾峭。巖深泉更清。余  
 本沙鷗侶。習成麋鹿情。披圖一再讀。蕭然病骨輕。

題從祖西河先生汾寒林馴馬圖

憶昨少年時。竊慕兼人敵。神駿夙所耽。頗有支遁  
 癖。自患病頭來。此意久沈寂。豈期尺幅間。指顧忽  
 欣覩。筆墨整以暇。毛骨細分析。寒林積雪飛。馴行  
 隨所適。真氣益然生。猶近韓韋格。我本山野人。對  
 茲深伏櫪。

病起閒坐誦梵經有得作此

荒齋冷無客。適意覺皇淳。一編淡相對。清寂絕點  
 塵。頽簷墮凍瓦。鏗爾鳴積薪。朔風拂庭樹。瑟瑟如  
 有人。是時凍方盛。巖凝氣不伸。余聞天竺國。玉燭

四時春。精文善導。達因報。互相循。空有兩忘。執物我。悉非真。省識無生。忍此身。隨轉輪。

作惡有餘殃。積善有餘慶。天人施報。聞禍福每難定。盜跖竟壽終。張儉乃亡命。秋蘭擅國香。腐草同變更。何如貝葉書。翻空立三乘。逆遯無始來。宣示最初性。種種論無窮。法法引入勝。愚者感涕零。智者明究竟。愧余猿鶴儔。生平慕圓行。縱無善知識。聲色衰年淨。樂此輒忘疲。弱體頓剛勁。

浮雲蔽旭日。長天忽晦明。暗室滅紅燭。雙眸突如盲。嗜欲日以深。塵心何由清。佛說一切果。各各因緣生。回首數英俊。終古空紛爭。蘭陵沒荀子。汨羅沈屈平。重瞳既已滅。淮陰亦復烹。及時不學道。剎那微命傾。況我素多病。疏慵無一成。聞聲敢云悟。聊以淡我情。欲寡全身素。心安萬念輕。庶越諸塵累。不爲名利縈。

五老峯

一峯如相招。一峯如相送。三峯並肩隨。宛然伯叔仲。又如隱君子。閱世厭人衆。潛身草澤間。結伴善

卷七  
五  
藏用見我扶筇來。依依互珍重。同是冷心人。尙將  
風雨共。

水漲

村南村北水瀾漫。疊浪微茫沒釣灘。一帆檣浮  
遠浦。絲絲楊柳漾輕瀾。舟行野港橋多矮。人倚河  
樓眼獨寬。惆悵兼旬風又雨。素心咫尺隔重巒。

明仇十洲畫西方大士像次東坡先生詠維

摩像唐楊惠之塑在天柱寺韻

我聞大士出貴介。聞思修道深造之。道成一日登  
彼岸。色聲臭味空無爲。不生不滅不垢淨。塔焉委  
化如枯龜。四海奔會憫人鬼。祇園弟子爭倡隨。行  
深願宏具諸法。大力接引心忘疲。滅度衆生泯一  
切。寂然莫覩熊與羆。豈期色相由心相。虔心默感  
追先知。紙窗明淨急揮灑。炯如秋月容無虧。智者  
感悟歎希有。愚者迷昧涕交髭。三千大千盡欽信。  
令我想見天人師。

東坡先生笠屐圖卽疊前韻

東坡先生古仙聖。功名富貴隨所之。曾如明鏡學

如海磊磊落落忘我為破空而行絕塵迹邊幅不  
修金作龜故人尋訪步郊野飄風急雨驚相隨幸  
得田家借蓑笠泥塗高步形不疲怪遭惡犬互爭  
吠大聲如豹勢如熊宋中丞牧仲家藏有先生笠  
展圖其上題謂先生訪黎子  
雲遇雨乃于農家借得笠展而行婦人小兒相隨  
爭笑邑犬爭吠先生曰笑所怪也吠所怪也云云  
先生奇趣本天授先生奇才人罕知紛紛風雨駭  
交作先生行止自無虧田翁里婦那能識信信惡  
犬空吠髭至今意像尚超忽天真如此真吾師  
聖祖仁皇帝御賜先文恪公古銅彌勒佛再疊前

韻

西方彌勒人不識袒衣露腹誰見之常將嬉笑對  
流俗毋乃玩世非所為抑亦世事實堪笑千憂百  
慮空鑽龜以此因緣發深慨翻成大笑聊追隨不  
然胡為習清淨歡顏鎮日無困疲昔我先公未筮  
仕聖人有夢非熊羆一朝特達置朝右天語輝煌  
如故知康熙癸酉 聖祖仁皇帝嘗賜詩先文  
恪公云故人久別已三年寄語題封自日  
邊多病相憐應有意每蒙垂問輒賞賚九重殊遇  
吟詩常念白雲篇恩莫虧尚想當年颺拜日彤廷廣和飄吟髭特頒



是佛寓至意君臣相悅還相師

先文恪公致仕歸聖祖仁皇帝

特諭云爾家有老母宜一路歡喜而去

小暑前一日庭中荷花盛開攜酒小飲其旁

快甚作詩贈之三疊前韻

泰華峰頭蓮十丈此語昔聞韓退之我今有蓮殆  
異是如椽之藕誠難為但使朱華得寓目碧波蕩  
漾堪游龜雨餘簾捲斜陽暮破鼻香來風自隨主  
人無事此靜坐一盃相對殊忘疲悠然莫夢南柯  
蝶怡然莫慕渭水熊平生自問迂且俗世無周子

誰真知我未學道惟效潔或許如蓮清不虧酬蓮  
且復賦長句不辭苦索撚斷髭蓮如有知莫吾惱  
請聯為友兼為師

六月二日子時患河魚之疾起臥一榻偶記

所見聞則予十年前所未有也恐習焉不

改將相率而成風俗矣感而賦此

我聞治惡如治草芟夷蘊崇除必早譬彼中野植  
嘉禾滋蔓縱橫禾莫保夏王泣罪堯宥三此說安  
傳未深考邪正從來不並存芳蓀蕭艾終分道君

不見太叔為政寬且文。荏蒲盜起晝劫人。頓興徒  
旅鬪邦域。勢必紛紛多殺身。爾來此風徧都邑。大  
人順時隨屈伸。盜啜并人鮒也賄。恢恢天網疏漏  
頻。鷹鳩雜遝混風塵。鋤強扶弱何處聞。嗟予才薄  
百無似。縱使盡言風過耳。而况鸞鳳高樹棲。任情  
闊步只如是。含容自昔君子為。何用區區費唇齒。

敝廬花木雜詠十六首

抱疴經歲月。花木十年栽。樹藝亦何事。芬菲絕點  
埃。綠濃知雨潤。紅綻擬霞堆。不學漢陰丈。家傳抱

甕來

余先文恪公  
自號抱甕翁

質直寡交接。貧居冠蓋疏。一瓢寒士宅。禿樹野人  
廬。有女閒吟絮。無才合種蔬。自憐違世用。不是慕  
逃虛。

聞道河陽宰。風流一縣花。小桃飛片片。垂柳映家  
家。顧我獨遺世。撫心恆自遐。為農嗟未得。學圃是  
生涯。

東壁薔薇架。春深放幾叢。頓移雙眼白。相對一牆  
紅。淺色凝朝露。柔枝弄晚風。眾芳無恙在。殊勝庾

園空

休笑蝸牛舍。能教俗慮拋。縱無千畝竹。幸借一枝  
巢。性僻花爲友。情癡石論交。敢嗤孟堅輩。客難費  
譏譏。

曉起散幽步。柴門別有天。紫薇紅濯雨。銀杏碧含  
煙。樂此原非隱。知余合在田。閒庭清晝寂。尙友橘  
中仙。

微雨快初歇。嬌紅色可餐。蛛絲黏絮重。蜂足帶葩  
殘。桐影明虛幌。茶煙繞曲欄。多情餘落日。返照上

幽蘭

鄰樹鬱蒼茫。清陰五月涼。草肥緣砌綠。梅熟入簾  
黃。但得花如錦。何愁鬢似霜。林泉吾久計。非做竹  
中狂。

入夏羣趨暑。芙蕖獨擅芳。波明心共淨。花落水生  
香。勁直魯君子。娉婷齊季姜。繞觀殊不厭。實欲證  
行藏。

獨學慚孤陋。疏閒恰似僧。泥香蓮瓣滯。衣濕露華  
凝。病久風成賊。年衰藥作朋。橐駝傳樹術。庶亦記

吾曾

採藥東籬外。提壺北院前。青芹含露滑。金蕊傲霜鮮。日氣凝松冷。花光向月圓。一家幸同志。樽酒樂年年。

詩思憑誰動。清芬遶戶庭。雞冠窗外秀。龍爪夜深腥。覘面羞彈鋏。觀書偶聚螢。比來清興熟。得此了餘齡。

會心無遠近。快意卽郊原。高樹吟蟬靜。叢篁到雨喧。綠葵添菜美。白薤佐樽溫。豈必鹿門隱。前程在

灌園

衡茅歇行迹。清寂比空山。舊室西城裏。新堂南郭間。秋深蟲語勁。風定鳥聲閒。一榻維摩上。千篇詩

自刪

暝色赴簷隙。廓然思窈窕。風荷翻背白。盧橘鎖煙青。危石全侵蘚。清漣半掩萍。帝鄉不可到。端坐誦黃庭。

日夕意不適。黃花開更幽。月斜疏影瘦。霜落一天秋。快對高賢傳。興懷角里儔。無人共懷抱。籬下好

勾留

孤雁

哀雁失儔侶。長天路幾程。隻身叫殘月中夜。落邊城。關塞留孤影。江湖獨遠征。索居吾已慣。念爾動離情。

病蝶

病蝶不自禁。慵飛無奈何。漸驚生意盡。頓覺好時過。細雨嗟零落。西風慣折磨。衰年易愴惻。感我此哀歌。

病起露坐戲用競病韻成篇

殘陽雨初歇。新涼起余病。散步暫逍遙。挺身頗堅勁。快觀月一廊。靜對荷千柄。蓮葉晚生香。湘簾淡相映。仰窺天宇澄。俯覺俗塵淨。田園協陶居。簞瓢樂顏性。會心豈在遙。得意自成詠。境閒情益閒。物我兩無競。

夏夜閒坐讀東坡先生集忽聞鄰家笛韻悠揚欣然樂之小飲成句卽次先生自陽平至斜谷宿于南山中蟠龍寺韻

卷十  
三  
黃昏一枕睡初足。書齋人靜似幽谷。半簾斜月影  
朦朧。幾點流螢光燿煜。誰家吹出玉關情。隔牆飛  
度涼州曲。清音嘹唳。過秦雲逸韻。悠揚凝嶰竹。爾  
來萬事盡灰心。只有孤吟屢燃燭。縱然枵腹愧清  
詞。且向疏籬煮新菽。却憐果腹自便便。豈謂無能  
徒粥粥。得句頻斟竹葉青。開懷獨對春醪綠。陶令  
琴罇傲北窗。杜陵詩酒老西蜀。人生快意貴當前。  
安用高飛慕鴻鵠。

睡起

睡起萬緣寂。怡然俗慮刪。雨餘蟬噪靜。簾動燕飛  
還。一枕暑全歇。空齋人自閒。殘陽如有意。相伴挂  
柴關。

張四孝廉詠一朵白蓮花惠示索和仍次東

坡詠維摩像韻作詩酬之

濂溪先生古君子。只有蓮花心好之。特筆爲作愛  
蓮說。牡丹富貴空爾爲。笠溪先生今智士。彩筆紛  
迷五色龜。平生亦復惟蓮愛。天遣一朵開相隨。亭  
亭獨立淨如玉。想君對此形忘疲。書堂人靜疏簾

暮宛共門徒侍叔罷伊余善病日高臥經年閉戶  
無人知四十蹉跎未聞道却喜茲蓮清不虧會當  
提壺共欣賞遶花索句頻撚髭翛然隻影絕凡俗  
潔白無瑕是我師

立秋後三日酷熱更甚于大暑攜兒女輩遶

荷納涼口占

力疾步階除氤氳花氣舒好風當戶急明月入簾  
疏躁釋涼生腋詩成嬾不書閒攜小兒女索笑遶  
芙蓉

題葉上舍慎獨立圖小影

知己自難遇蕭然感我思側身平野闊翹首暮雲  
遲有子文鳴鳳謂琴舟多君夢協罷自憐離索久

閱此慰襟期

豈必絕儕輩可人天一方境寬心自逸影隻興偏  
長獨行平生慕孤懷夙昔狂披圖疑故我相顧詠  
蒼茫

小詩簡張四孝廉惠顧之作

平生虬髯公無日去胸中不見經旬隔相思屢夢

通何當移玉趾復此慰幽衷共話一尊酒西窗燭  
翦紅

七月九日苦熱有懷張子賦此代簡

七月幸流火炎蒸轉在秋鳴蟬高樹急飛鳥密林  
投苦李沈何益甘瓜徒爾浮仲都方未達公幹病  
難瘳困熱空裁賦開襟不解愁永懷枚叔筆遙憶  
子猷舟志合占金石情親敝馬裘相期耦耕約久  
闊結良儔

雙鳥吟柬商張子

城東有雙鳥飛飛來雁峯一鳥忽墮地塌翼東城  
東青泥陷胸臆顛倒弄狡童狡童弄已久生計亦  
已窮去去勿復顧于我甚從容毋乃視其厄不念  
仝羣鴻竊恐傷害要害何以慰寸衷感此欲引手置  
之于虛空風雲會有日庶或全其躬本無任德意  
豈因以為功所慮如願償他時心更雄鷓鴣日以  
聚恣意鳴晨風追悔竟何益泣嗟空熱中為德半  
途廢進退反無從鳴鳩靜而一鷓鴣秉性凶物情  
固各異人性鳥能同眷懷素心侶遇事宏且通願



言區區志借箸籌厥終

公無渡河吟復柬商張子

公無渡河渡河多風波中流遇險阻傾覆將奈何  
君不見黃河西決崑崙邱龍門未鑿堯憂愁禹抑  
洪水分九州地平天成迎帝麻迄今相承百千載  
人民安堵桑麻稠渡河狂夫何足齒亂流徑涉宜  
其死不卹人言不知止篋篋所悲空復爾吾聞在  
昔有如是今茲所見一何似作詩爲報同心子奚  
如可以已則已

家有狸奴嬾不捕鼠戲贈以詩

迎貓爲食鼠何爾獨忘之豈習主人嬾相觀天性  
移花堦時偃臥竹屋或羣嬉一飯得所欲暢然無  
復知

萬壽觀鐙曲

時八月十日鐙下作

伊余臥病倏五年偶逐殘陽步鐙市輝煌紅燭鬧  
通衢絡繹香車來數里士女偕行去復回簫笙幾  
處鳴還止風吹羅袂耀雲霞目眩鐙光亂朱紫金  
吾不禁競侈豪太平有象慶遐邇不惜繁華過眼

虛但恐光陰莫我俟。一盃乘興出門看。片念尋歡  
扶病起。自知短髮已衰甚。怕作陳人聊樂只。明河  
耿耿掛層樓。涼月依依隨素履。穿街蹋月歸去來。  
秉燭夜游吾老矣。

次韻和張子喜晴之作

曉起亂嗥鳥。門開日滿枝。不禁添笑口。宛若獲神  
龜。淑氣凝眸爽。新陽與病宜。短章吟共賞。且復樂  
移時。

中秋日柬張子惠顧之作

回思去年月。苦被雨雲隔。去年是屈指去年人。惟

悴臥牀席。豈期有今日。雲開病消釋。月既仍分明。  
人亦漸如昔。惟余早朽衰。獨君不我擲。浮生知幾  
何。佳月不常獲。何如急尋歡。舉盃酌皓魄。去來聽  
君便。幸勿拘形迹。

中秋夜微雨家庭小飲遲張子不至作此代

簡

慘淡中天雲。浙瀝空階雨。茅屋靜無人。濛濛濕庭  
宇。之子期不來。寒碧凝窗戶。坐對一尊酒。幽懷竟

誰吐提壺喚萊婦。狂歌思杜甫。豈意病衰人三爵。  
醉欲舞。刻燭賭裁詩。傳花催擊鼓。咫尺少陵翁。隔  
關渺江浦。

中秋夜微雨不得見月殊為敗興既而分曹

射覆鬪韻流觴興頗不淺時有舉東坡先  
生繚繞香煙來月下句卽次其韻詩以誌  
喜

去年此日秀州居。簷溜聲聲擾良夜。今年滿擬月  
臨頭。微雨瀟瀟忽又下。人生失意十八九。羊祜青

山淚空瀉。何如放浪外形骸。荷插劉伶作流亞。有  
酒且飲澆牢愁。窮通得失命難借。不知甲第有金  
張。何論風流古王謝。但得傾壺注瓦盆。自來樂志  
在田舍。細思往事馳歸雲。豈意今宵似餐蔗。佳境  
漸入心。漸聞壺觴醉飲醒無怕。酒酣起舞歌莫哀。  
脫帽狂言從笑罵。

記夢

余十餘年來亟夢游于海外舟行約數十  
里輒得一小山拾級以登望之路似人家

園林顧無花木亭臺之勝惟屋數間竹樹  
數處而已比復夢則依然故處始循門而  
入有庭有堂于是乃歷階而升覽其庭宇  
景物其屋約三間復梯而上又得屋五間  
其旁頗似臥室其東北則危峰聳立復有  
小屋三四翼然臨于其巔四週繚以牆垣  
可養性而不可望遠恍惚間更疑爲余之  
故宅噫異矣余聞之今年秋大江以南數  
縣率被水患而吾邑瀕海水次居民亦數

患水漲予時因東南風起恆惴惴然抱杞  
人之憂爰爲長歌以志之

柴門月落殘燈紅高子夜臥萬念空茫然似夢復  
非夢窮途躑躅迷行蹤輕舟一葉下東海孤嶼突  
起蒼波中恍惚肩牆露林屋二三古樹幾竿竹我  
行到此思叩門竊恐造次遭呵逐豈意年來夢屢  
尋黑甜有味時登臨升堂入室暢幽抱依依晴翠  
霑衣襟其東林壑更紆曲就中小屋尤殊俗窗明  
几淨絕纖埃祇可登高無駭矚東坡昔夢游西堂

石芝折食甘而芳。滿堂賓客盡驚歎。作詩競勝誇  
嵇康。伊余病廢如輕塵。心知夢幻不復真。但得一  
尊常醉飽。敢希非分遺世因。而况邈來久淫雨。大  
江西南水沒戶。滔滔白浪東西流。米珠薪桂共愁  
苦。回思吾邑東南偏。滄海咫尺波連天。生愁日暮  
頭風起。化作魚龍隨變遷。愚者區區信罔識。杞人  
之憂究何得。夢神導我發深省。世事紛紜皆夢影。  
空懷百慮復千憂。對酒當歌幾好景。

菊影壘中秋夜誌喜詩韻時同人西門外看

菊有盛侈其花影之妙而昂然自以爲菊  
之知己者詩以戲之

佳月如佳人。娟娟美清夜。秋士如秋花。傲兀不相  
下。蕭然松菊姿。素影月中瀉。自非柴桑傳。茲花豈  
其亞。誰知邈年來。人情競假借。相將卜夜觀。不問  
花開謝。欣賞燭高燒。樽酒聚同舍。持論互相誇。未  
免倒啖蔗。願我獨殊科。虛僞平生怕。似此得花情。  
毋宜遭花罵。

瓦釜集卷八

平湖 高蘭曾 楚薊

張子

湘任

以留城燕臺抱璞諸詩集惠示索

評會余臥病未卒業也茲值秋涼每取而

讀之三復未已為題其卷尾而歸之

李杜久不作昌黎亦云亡王韋競清遠高岑聲激  
昂餘子等魯衛兄弟隨雁行有宋多好手坡翁尤  
擅場其氣疏以容高瞻渺八荒南渡作者四舉頸  
莫敢望金元數虞范遺山獨慨慷凌夷及遜國刻

意摹三唐七子傷剽竊導源始東陽吾家青邱子  
白眉稱最良 聖朝盛文學北斗推漁洋一施  
復一宋工力遙相當吾 祖厠其列珥筆輝  
廟廊竹垞矜腹笥微嫌罕光芒維君繼其後骨格  
爭開張平奇與濃淡一一垂琳琅有時極奔放波  
瀾接混茫有時極典麗高岡鳴鳳凰出入香山徑  
深造坡翁堂宏文無定體奧妙不拘常愧予苦吟  
詠老大徒自傷此道漸瀰漫斯世誰共商誓將竭  
儒鈍與君細評章東隅雖已失桑榆或許償

對菊有懷張子次韓昌黎先生杏花韻

芝亭家居四壁空買得黃花能白紅攜來階下閒  
相對恍見衣冠晉代風因茲轉念春三節日麗風  
和到處同花明柳暗烟含翠桃李芬芳誇化功流  
鶯百轉湘簾外紫燕雙飛畫閣中嬉春游子日尋  
勝朦朧醉眼迷芳叢豈若茲花幽且逸孤高不減  
江上楓斜陽簾捲一尊酒令我對此情無窮可惜  
南村素心侶相違咫尺人西東二株黃白獨吟詠  
笠溪齋中有菊二種一黃一白花開極  
大暇時坐臥其側有詠白菊與黃菊詩風流應似

柴桑翁

秋夜漫成

平生性僻石爲朋。米老襟懷愧未能。竹屋風清添  
白髮。紙窗人靜冷青燈。卅年意氣成春夢。一榻安  
閒似老僧。聞道蒙莊游世外。鸞鳩猶自笑鷓鴣。  
東野窮愁苦搆思。晚年淪落亦堪悲。搜腸毒藥風  
人語。透骨嚴霜幼婦詞。顧我無能今老矣。消閒有  
酒且嘗之。文章本是無情物。投筆班生自不羈。  
苦海迷途蝶夢闌。兔寒蟾冷五更殘。翟公門巷終

年靜。陶令田園陋室寬。彈鋏未能隨世俗。裁詩聊  
復慰辛酸。悲秋宋玉無窮意。接跡騷經若細看。

妙頤一首贈張子

先生余石交也。少年自號頤園。余實未之  
知。頃閱近作。始悉望亭蔣孝廉戲爲諸同  
人各贈一字以核其人之性情形質。而比  
附其字或別字之上。以爲品題。因先生號  
頤園。遂以妙加之曰妙頤。余謂先生信妙  
人也。尤不可無妙詩以志之。惜余非妙手。



不足以發揮妙品戲作一首遺妙頤

之子信妙人一妙無不妙妙詮契淵元妙筆恣騰  
趨妙語漢君房妙書晉逸少時對妙風景發為妙  
歌嘯予雖無妙悟妙理心所校得君妙指示妙義  
闕竅奧微妙口能言圓妙意獨到數年欽妙品今  
始聞妙號作詩寄妙友妙手庶引導愧無妙句呈  
還冀妙心照

自歎

自歎年來賤且貧半生潦倒混風塵端居敢擬陶  
宏景濁世誰知祁孔賓病久寒荆能辨藥情閒稚  
子識全真鄙夫自合田間住孤負家人共苦辛

次前韻酬張大教習敦瞿

家有圖書不救貧經旬閉戶甌生塵菲才只合聯  
溪友謂教習尊甫無學誰容入幕賓時教習設帳  
世澤已隨流水遠越吟聊復見情真田園詩卷一  
蚊睫重荷清詞慰苦辛

哭上舍大舅氏為玉協六先生

讀書懷典刑每恨漸凋喪猶幸老成人巋然獨無

恙豈意忽厭世一朝去天上恩深渭陽情能不悲  
聲放惟公清且和不受俗塵障置身夷惠間齒德  
共尊尚伊余失慈母迷亂煎腑臟得公朝夕過凡  
百粗了當自是十年來余病愛閒曠淪落老衡茅  
風塵負宅相迴憶去年夏介壽把春釀是年公入  
旬蓬萊設供張去歲夏五月舅氏八十誕辰追薦  
外王父母于道院親族稱慶者俱  
往從之侍飲見公顏氣宇益清壯日月曾幾何音容  
渺難望翹首城西門勁風悽以愴落月滿空庭總  
帳自飄颺天道信無憑反覆風中浪歌詩慟羊曇  
揮淚遙相向矧余薄寒人遇事多惆悵念茲情更  
悲曷勝心悵悵

落日

落日下高閣蒼茫夜色寒可憐無限意贏得髣如  
潘

相顧百端集悵然心自悲李邕誰賞識崔顥漫題  
詩

日近長安遠孤恩世澤微相承如杜篤多病臥柴  
扉

孟冬二十一日張子招飲嬰山小園歸途得  
詩四韻到家足成之錄以代簡

吾友張司業招我飲嬰山嬰山足幽賞巖壑聳以  
環旭日滿窗戶書齋晴更妍主人敬愛客舉杯隨  
所便開懷各暢飲談笑凌雲煙此樂信希有良會  
非偶然歸來記所歷蘇東坡先生句寸心每懸懸作詩報  
之子雅意何纏綿

越日張子枉詩戲答復此酬之

君常到吾家不厭飽藜蕨有時日既昏薄酒具倉  
猝酒既不堪飲惟飲杯中月我昨到君家羅列堆  
鱸鱖乃君不吾棄作詩復相示還冀月明時飲月  
惠然至

余性疏懶凡百廢弛自戊子年沈疴復起放  
廢益甚孟冬二十有六日夜漏二下擁爐  
小飲偶閱案頭杜少陵先生詩有老病人  
扶再拜難句覺有先得我心者因用爲首  
語成長律四首

老病人扶再拜難一林風雨紙窗寒閉門不學王

儒仲蹈海空慙管幼安縱酒談詩聊自遣論文說  
劍盡餘歡雪霜滿地江村晚屈指光陰歲又殘  
老病人扶再拜難寸心無欲一身安黑甜有味華  
胥近綠酒頻斟夜雨寒蟲臂鼠肝隨所遇秋菘春  
韭且加餐從來草野宜衰朽多謝親朋青眼看  
老病人扶再拜難消閒兒女話團圓問心竊擬莊  
生達擁絮無憂范叔寒禮意豈爲我輩設人生能  
得幾時歡衡茅自是全真地曉月清風境獨寬  
老病人扶再拜難一屢容膝百憂寬城居縱愧林  
君復寄食差強梁伯鸞靜愛神仙非棄世屢嘗薑  
桂藉平肝南村幸有同心侶朝夕相過與未闌

傷貧

薄病年來甚矣衰傷哉貧也竟如斯家無擔石嗟  
何及門少雜賓人共嗤未免有情誰遣此非能知  
命強安之澆愁賴得盈觴酒一笑欣然一首詩

寒夜無事內子幼女刻燭賭詩顧而樂之爲  
作一律非謂彼善于此亦聊以誌一時清  
興頗不俗云

月明庭院影婆娑。叢菊衰殘秋又過。竊喜妻孥同  
好學未妨門巷可。張羅閒宵共侍春醪。飲信口聯  
吟下里歌。便是塗雅無好句。疇如清興我家多。

讀陸放翁先生集有自笑謀生事事疏句覺

有感于余心者卽用其語成長律二首

自笑謀生事事疏。筆床茶竈淡相於。挑燈竹閣閒  
評畫。聽雨蕉窗靜檢書。泉石膏肓增戀戀。夢魂安  
穩化蘧蘧。非關老子癡頑甚。樸直承家樂有餘。

自笑謀生事事疏。平居松竹得依於。衝寒沽酒三

村店。排悶裁詩半草書。幸不因人聊免俗。未能寬  
過竊師遠。一編得意渾忘倦。敢傲風霜棄歲餘。

連日祁寒少。卻庭前梅已半開。適值雨雪沾

酒獨酌詩以賞之

日旣夕時未昏。尖風穿骨裘不溫。嚴凝萬物困無  
色。彌天一望彤雲屯。霎時雪片大如掌。光搖目炫  
迷郊原。門前踏雪者誰子。石路泥湍沒屐痕。衝寒  
急走避檐下。偃僂僵立如猿蹲。庭內老梅半枯裂。  
破萼初開鬪冰雪。幽姿自勁凍益堅。玉質素高冷

尤潔惟有荒齋貧士閒耐看梅雪兩清冽擁爐默  
坐旁無人一杯相賞玉壺春恍然置身水仙府花  
明雪艷增精神

張子以近集見示燈下走筆成排律二十四

韻奉寄

小飲坐清夜吟君絕妙詞短長皆合度濃淡適相  
宜有句都堪賞無陳不化奇高懷嗤叔則博學陋  
冲之出入坡翁集差池季友詩聲聲飛玉屑字字  
截金爲百首經旬得笠溪贈余詩有十日千言倚  
新詩百餘首之句

馬期麗探昌谷錦艷逞右軍姿采女臨風候潘妃  
緩步時騰蛟追孟客繡虎襲陳思間或含微諷端  
因感獨悲選言空鮑謝雄辯奪秦儀精悍躡穿甲  
鋒鋌立見錐楊修才並捷李廣數偏奇近慕柴桑  
侶常傾栗里卮蕭條眠北牖寂寞賦東籬顧我渾  
無好尋章頗自怡殘更閒把盞幾卷快相貽烏瘦  
應低首郊寒合伏雌肉忘曾記月頭愈不須醫白  
酒浮於是青蓮忽在斯銜闌情未厭樂此手頻披  
對酌人如面狂歌興欲癡一觴還一詠且復效撚

髭

評梅

碧波凍處溪橋橫梅花一樹水一泓冰容自是絕  
凡俗玉骨翛然遺世情聞道逋仙有深好選徧佳  
人無此清特憐疏影伴閒逸爲愛幽姿共潔貞孤  
山韻事久消歇一代高風留話評我亦年來衆緣  
寂居常念此中心傾閒尋道院及僧舍不問庾嶺  
與江城但得寒梅初破萼恍如淑女遙相迎籬邊  
不語含香遠竹外疑眸鬪雪明當年應被廣寒謫

斜陽偶向羅浮行淪落天涯各分散飄流屋角爭  
敷榮自從東閣何郎詠獨擅西湖處士名處士于  
今骨亦朽西湖終古名不更空山晝靜何人到古  
岸月明有鶴鳴匆匆歲晚百端集碌碌塵寰千慮  
并豈如罇酒游方外看花索句歡平生

張子惠示冬日感懷追次杜少陵先生秋興  
八首韻索和作此報之

霜屋無人鵲噪林殘冬風味自蕭森寒窗寂寂歲  
云暮涼月娟娟庭滿陰借隱鹿門原素志逞詞兔

苑早灰心吾生天地同傳舍何事縈懷感暮礎  
暮景昏昏日易斜悔貪吟詠負年華詩狂不作平  
原客才薄空談博望槎庭宇雪深閒閉戶松濤聲  
壯競悲筵漢家杜篤徒能賦外內相承鏡裏花  
曝背欣然趁曙暉硯池冰結篆烟微家居久絕鵬  
程望病臥頻隨鶴夢飛簷腳迎暄情自適甕頭有  
酒願無違懶看得路咸陽賈一體乘軒肉食肥  
世味從來似角棋茫茫塵事莫須悲窮途阮籍空  
垂淚孤憤韓非漫感時苦憶椿萱如夢幻驚心歲

月快駒馳文章李杜終憔悴十卷楞嚴是我思

茅齋閨寂比深山鎮日蕭然松竹間塞耳不聞鄰  
有鬪鐘情惟覺藥相關百年易去韶華景舉俗誰  
留少壯顏漫說香山爲洞主幾人詩酒入仙班

夕陽一角小樓頭黃葉疏林猶似秋把酒未能澆

塊磊談禪聊復解憂愁情癡自合終田叟性僻何

妨伍海鷗屈指春暉長已矣那堪重復慟西州謂仲

秋遭舅氏協  
六先生喪

少小曾思翰墨功卅年淪落一廬中枯寒莫望青



雲器貧病空聞長者風短髮每因憂道白衰顏幸  
得向鑪紅嫉邪趙壹應憐我百世同心有嬾翁余近

翁號嬾翁

板橋西望路逶迤咫尺南村隔水陂笠溪家與敝廬只一水相

隔雅志共憐窮巷趣閒情不賦上林枝分題疊韻

吟偏捷近日余與笠溪唱和甚夥笠溪來詩有十日新詩百餘首之句旬日千言

興未移一曲陽春原和寡敢希皮陸競名垂

酬張子卽次原韻

一榻坐清晝逍遙良自如炊煙寒橘柚隱几注蟲  
魚笑我愚無欲知君趣有餘俗塵惜未了莫共入

山居

歲暮和陶飲酒二十首卽次原韻

殘冬將盡人事彌殷卒歲之資未知所出  
眷焉永懷殊深慨然乃輒飲醇酒以解之  
酒醉興狂不能默爾每欲形諸詠歎恐其  
無節因限以陶公飲酒詩韻歌以自娛藉  
舒懷抱固不足爲外人道也

人生罕七十忽忽耄及之老成漸彫喪轉眼非昔

時今我不尋樂安能待來茲愚者百千慮輾轉增  
狐疑念茲輒浮白一盃手常持

投筆非吾事素志在邱山古人不復見猶見古時  
言高歌快清飲庶以慰殘年令德豈不顯後世幾  
人傳

在昔聞劉叟與世了無情廓然外天地不計身後  
名吾欲友其人把臂話平生荷插語從者生死不  
足驚翻身出大化含酒固無成

鳴鶴志四海一舉刺天飛斥鷃翔數仞控地不知

悲物情各有屬莫不念所依而況人爲貴豈忘名  
實歸特恐名未遂精力忽已衰何如一尊酒晨夕  
願無違

殘冬北風勁禿樹聲不喧主人倦交接高臥城南  
偏言念素心侶縹緲隔雲山佳人空谷中良辰稀  
往還何當共此飲一雪胸中言

知非未必非自是豈真是尙想古聖人無譽亦無  
毀中心苟不存虛聲摠徒爾遙憶商山翁百世瞻

黃綺

舉室習寒素愧我非季英感此小兒女談笑少俗  
情念之頗自得盈觴酒獨傾寒風穿戶急冰柱墮  
檐鳴卽此多閒逸逍遙了一生

桃李當春艷灼灼弄嬌姿嚴霜一夕降零落餘空  
枝斯時澗底柏世俗乃見奇見奇亦何益毋乃過  
時爲安期去海上高情良不羈

日暮雨初歇蓬門時一開好友惠然至深言慰我  
懷相如家四壁未爲時命垂巢父寄一枝不殊華  
屋棲石崇築金谷于今成沙泥謂我與君厚惟君

與我諧致富原無術憂貧豈不迷君子素其位此

志慎勿回

力田不逢年泣嗟空向隅學道不竭力辛勤廢半  
塗古人出而仕固非爲飢驅其或在田野亦豈以  
贏餘謀生吾已拙詩酒協閒居

憶我少年時猛志希聞道二豎不我容疾病成衰  
老藥石雖云靈不救皮血槁千秋萬歲名苟得亦  
何好富貴本由天量力善爲寶中山醉不醒會當  
悟言表

賀監并眠日張顛草聖時人心險山澤一醉從此  
辭矧余空無欲適意正在茲羊祜飲抗酒陶然釋  
羣疑慤士謹趨步但爲濁世欺有酒不痛飲捨此  
將焉之

寒暑互成歲榮枯無定境茫茫天壤間終古何人  
醒此理亦非幻誰復得其領抗懷古今人將母在  
石頴一孝一純忠千載名還炳

窮巷罕人來羣從幸時至相見各欣然不語心已  
醉高論及炎黃得解不拘次天倫信所歡人爵未  
足貴此道雖云亡是中有真味

葭牆王霸居環堵原生宅人生天地間雪泥點鴻  
迹光陰去若梭年壽恆難百贏得寸心丹何妨俗  
眼白簞瓢有餘歡微軀應自惜

弱齡好任氣章句鄙窮經臥病送日月悠悠無一  
成四時迭相代風霜幾變更流光耀積雪寒氣凝  
空庭晝短苦宵永晨雞聽未鳴不有樽中物云何  
慰我情

叔度眠牛衣林宗欽其風季偉供脫粟至性寓其

中知人固不易真賞何宏通涉世而無識孟蛇影  
誤弓

經訓有遺言臨財毋苟得豈以表清操蓋用戒其  
惑歷觀古達人順運隨通塞念余俗且庸莫夢槐  
安國縕袍性所安誠哉宜沈默

出門望西笑翩翩多美仕飢寒豈不憂奔競重違  
己挾刺謁公卿平昔素深恥蓬門情晏如自合在  
田里讀書慕古初了無善可紀循分守園廬庶幾  
得所止今日不爲歡來歲誰能恃

大匠久不作騷臺誰見真漢魏渺千古風氣一何  
淳六朝尙工麗詞彩日以新競尊徐與庾疇知漢  
復秦自是遞祖述大雅委沙塵顧我亦何似有志  
空殷勤經年被病魔幸聚骨肉親讀書多涉略忽  
解又迷津春醪昨新熟聊用漉吾巾人生貴適意  
白髮不容人

榮木和陶靖節先生作

先生自序云榮木念將老也說者謂先生  
是時年四十矣余今年四十有五較先生

又馬齒加增焉慨一身之善病念徂年之  
不留愴惻傷懷感而賦此

猗歟榮木蔚矣其枝紙窗無人顧影生姿歲聿云  
暮雪霜悴之眷焉永念慨然長思

猗嗟榮木過時則衰矧伊人兮少壯幾時溺情自  
逸日月若馳懷吾寤歎雖悔曷追

嗟余孤陋稟氣昏菅墨悲絲染阮泣途窮晏安廢  
業多病成翁有懷莫逮仰首蒼穹

人亦有言圖終于始始之勿圖終于無似顧讀燃

松韓吟繼晷長無述焉亦長已矣

遲屈子

心亨

阻雪不果賦此寄懷

三閭楚苗裔平生素情注風雨不予遺晨夕時相  
顧和風一夜來梅花滿庭樹幽蘭空谷中遺世每  
獨步道里未云遙同里東西住咫尺渺天涯積雪  
盈前路

雪

六出紛飛蕞漸舒徐穿簾隙撲窗虛啞隨江令誇  
瓊樹好映孫康讀秘書把盞莫思張翰鱸尋詩應

勝鄭公驢憑他凍合關山路絮詠家庭樂有餘

瓦釜集卷九

平湖 高蘭曾 楚薊

元默執徐

詠懷古人七首

酸寒東野老田疇日聳雙肩詠未休莫展雲龍千里志競嗤天地一詩囚家無長物惟安命架有羣經藉寫憂思入牛毛勤苦索焉知韓柳並名留旅食昌黎未遇時裁書六上卒珠遺一朝崛起風雲會八代重興典誥詞健筆雄文天廟器湯盤孔

鼎帝王師。焚油繼晷。投閒日。矻矻窮居。若見推。  
李杜光。芑萬丈長。江湖落魄。寓文章。許身稷契。忠  
無愧。抗志神仙。氣自昂。太息熱腸。空激烈。悲歌美  
酒。寄清狂。或看翡翠。隨雲散。二子風流。百世芳。  
庾信才華。早入神。暮年詩律。更無倫。屈平哀艷。空  
前古。宋玉牢愁。軼後塵。絕代詞章。傾上國。百般嗤  
點笑。今人。世途輕薄。由來慣。未損鴻文。歷久新。  
叔夜風神。朗照人。雞羣鶴立。莫爲鄰。奇才無耦。原  
由命。雅趣非常。不厭貧。餌木自應。年益壽。養生何

事禍忘身。豈徒一曲。廣陵散。顧日鳴絃。調絕倫。  
聞說雲間。陸士龍。英年積學。擅文宗。圖形故縣。胸  
如鏡。持論超兄。筆有鋒。好士愛才。今有幾。正言忤  
俗世。難容。新詩數卷。長留藻。爭似時賢。會適逢。  
傳經劉向。志專精。太乙來觀。感至誠。曬腹郝隆。應  
首肯。解頤匡鼎。自心傾。一家采緝。多師法。曠代英  
豪。繫我情。身世功名。雖不顯。藝文祖述。永垂聲。

肝病

年來肝病動。經春只在匡牀。不出門。讀聖賢書。學



何事清閒贏得二毛新  
負疴莫夢祖生鞭  
竟日逍遙自在眠  
觀鬪隙中無量衆  
午窗消盡藥鑪煙

春日花下作

閉戶經年志莫售  
無端春色又盈眸  
東風不管人生惱  
開遍枝枝玉繡毬  
斜陽簾捲雨初晴  
一樹梨花動我情  
恰怪流鶯強解意  
時來屋角弄聲聲  
粥香餠白可人天  
蝶舞蜂飛景欲仙  
正是春三好

時節故園回首蔽雲煙

爲愛名花次第栽  
待時幽賞淺深開  
籬邊竹下非無主  
笑謝封姨且漫摧  
芹澗蔬香過眼移  
何嘗敢擅舊丰姿  
低枝堪折休須盡  
留取清陰冒綠池  
老去逢春有幾人  
花開花落減芳春  
何由且往桃源住  
不許漁郎得問津

上下千古室醉後題壁

斗室書連架盈觴  
酒獨斟竊同元凱  
癖愧得孝標

淫虛負三餘業空懷一片心玉溪佳句在平子積  
愁深門冷黃金盡交疏白髮侵撫髀游太古掉臂  
快狂吟俯仰英賢里逍遙翰墨林此中巖壑具應  
勝入山陰

明仇十洲畫煉丹圖歌

畫物易畫人難畫物祇求形與態畫人要得精與  
神形似粗疏好摹倣神情縹緲爭毫端周昉士女  
妙天下後來仇英亦絕倫此畫流傳雖未久風姿  
頗近羲皇淳一人危坐默視藥一人側立辭氣純  
旁跪奚奴候爐火息心俯首勤傳薪煙雲明滅斜  
陽暮積翠浮空迷紫壇長松三五環壇立青枝錯  
落根輪困山風習習天光淨石路娟娟雲境寬天  
空境寂吾俗塵恨不移家寄此身存心養性樂天  
命訪問葛翁隨煉丹

述懷集陶四言詩四首

有客有客言息其廬眷言躊躇爰得我娛猗猗原  
陸林竹翳如冀缺攜儷董樂琴書載彈載詠濁酒  
半壺載言載眺樂是幽居

邁邁時運歲月眇。祖願言不獲。慨獨在余銜。觴無  
欣。儋石不儲。靜寄東軒。有琴有書。懽心孔洽。日居  
月諸。傲然自足。念茲厥初。

人亦有言。匪善奚敦。嗟予寡陋。資待靡因。庶其企  
而抱樸。含真花藥。分列于茲。託根濛濛。時雨邈邈。  
西雲靜言。孔念敬茲。良辰

我有旨酒。雖不懷游。慨然寤歎。幽人在邱。顧慙華  
髮。徂年旣流。春醪獨撫。以寫我憂。願言懷人。遐路  
誠悠。今也遇之。旣醉還休。

○ ○ 重和陶靖節先生飲酒詩二十首再次原韻

余素不善飲。往往飲少輒醉。蓋數十年不  
知酒中之趣焉。比來病餘氣日益衰。血日  
益耗。時一把盞。輒精神煥發。宿疾若忘。乃  
知向之莫知其趣者。而今竟莫名其妙矣。  
余去冬曾次其韻。今復爲此。非故慕其名。  
高抑亦中心之嚮往云爾。

○ 丈夫不虛生。而吾自棄之。日月忽云邁。優游廢良  
時。○ 往者不可追。來者卒如茲。○ 苦行立名譽。徒增世

俗疑不如一杯酒衰病藉扶持

弱齡不好弄肆志在雲山有志莫予和孤陋復何  
言斗酒聚鄰曲樂此殊忘年寥寥身後名沒世誰  
爲傳

天地萬物盜萬物盜吾情貪夫務殉利烈士務殉  
名擾擾風塵裏匆匆了一生醉者渺身世忘寵亦  
忘驚孔顛醉彌月身沒名亦成

蜂蠶竊有毒鎮日花間飛狂飛陷蛛網哀鳴良足  
悲乃知人間世萬事莫憑依一沾飲歡焉得

所歸一觴情獨遠重觴更忘衰寄言仝心子此志  
慎莫違

日夕雨不歇漸遠城市喧頽然一榻上白雲落吾  
偏卽此景無盡何須錢買山蒼竹滿生意寒鴉作  
陣還直欲呼徐邈聖賢醉共言

吾讀歸去來昨非覺今是不求流俗名豈惜流俗  
毀閒飲撫春醪匡居聊復爾詩酒足尋歡慰情勝  
羅綺

江左滔滔者放浪目爲英部郎盜鄰飲清狂何不

情柴桑吾所師把酒情亦傾長吟發幽抱高岡一  
鳳鳴愧我多無似庶以酒全生

青松如高人蕭然別有姿嚴冬霜雪勁不改柯與  
枝偃蹇老深壑舉俗不知奇銜杯坐松下想見古  
人爲壁立挺干仞孤蹤自不羈

幽蘭在空谷春風暫爲開采采寄所識聊用寫吾  
懷所識渺難卽竊恐願常乖鸞鳳雖在野枳棘非  
所栖豈特傷素履深恐汨其泥矧余抱狷獨秉性  
復少諧一枝藉持贈良言幸指迷俗情貴苟得吾

志終不回

衰年惟好靜晚家城南隅日暮天氣佳散步臨前  
塗過客去不息率爲名利驅念茲頗自適悠然趣  
有餘提壺復傾飲應似深山居

京洛多達人挾策長安道裘馬何翩翩百計催人  
老盛名豈不榮一身亦已槁自非王子喬能得幾  
時好剎那隨化遷奄忽喪其寶吾希逍遙公斗酒  
寄塵表

曉起日初上庭花正及時欣然坐花下得酒莫須

辭生平愛閒逸。會心應在茲。我醉墮香國。了了中  
無疑。人生行樂耳。古人不我欺。意長世苦短。庸流  
自擾之。

我家蕭寺東。宅近脩真境。靜夜梵鐘聲。幾度喚愁  
醒。慨余迂且愚。望道空引領。多病臥茅檐。敢冀囊  
脫穎。亢倉居畏壘。百世其文炳。

宿雨快新晴。素心自遐至。把臂入花叢。滿目春如  
醉。芬菲落復開。班荆坐其次。我非避世人。豈效知  
希貴。開懷各引滿。試領杯中味。

子雲託一廬。寂寞蓬生宅。春酒載從游。門外滿行  
迹。高論太元經。下視書盈百。何不日高飲。數世守  
清白。屈身莽大夫。一字誅莫惜。

班馬名聲遠。文章在六經。憶我少年日。學書冀守  
成。及時不努力。風霜歲幾更。忽忽成衰老。破悶誦  
黃庭。豈必慕仙去。緱山化鶴鳴。一樽暫相對。酣然  
遺世情。

吾年十二三。竊慕乘長風。苦被病魔逼。前程付夢  
中。富貴非吾願。孤微豈望通。幸得酒新熟。何嫌地

一弓

良時不再來好景難再得今我不尋歡但爲憂所  
惑感感俗中人胸中類茅塞塵事日糾纏何以入  
樂國不賴酒澆愁有懷難緘默

先生在彭澤飢驅會祿仕直道非事人枉道重違  
已折腰未爲失屈節深可恥決策來醉鄉翻然歸  
故里夷齊餓首陽復此立綱紀到今悠悠談謬謂  
是知止我醉都不知人言總莫恃

天道一誠耳人情罕率真念之五內熱何人復還  
淳機械日以巧衣冠日以新縱橫善持論不減儀  
與秦寸衷隱溪壑外貌和光塵一世尙虛假孤懷  
空效勤桃源規往路老幼怡然親此意久消歇誰  
還復問津酒是真人飲興酣爲漉巾有酒不知飲  
母乃真棄人

七夕次李義山辛未七夕韻

一年一面便長離底事仙家好遠期豈是佳辰惟  
此夕故教良晤不多時相思竟歲河遙隔暫聚中  
宵步轉遲省識有才天亦忌乞靈應悔向蛛絲

黯爾銷魂惟別離塵寰每重百年期如何鳳駕方  
臨渡不爲牛郎住少時漫惜人間歡易散可知天  
上遇還遲從來嘉會原非偶博得因緣髣似絲

過舊宅

少小時經此地來託根會向上林栽莫思甲第承  
先志不道昆明已劫灰屈子繫心空自怨陳王詠  
豆獨含哀閒吟且向牆東避爲釀松醪待菊開

敗荷次李義山酬崔八早梅有贈韻

怕寒怯冷委池塘困頓秋風欲斷腸兩兩鴛鴦猶  
戲水深深蛺蝶漫搜香西施網去澄波寂楚客魂  
銷腐草黃豈必殘荷留聽雨玉溪妙句擅詞場

偶感

彼此紛紛一是非里居寒素願多違休嫌腐鼠無  
滋味十哲俱從陳蔡圍

誦維摩經有悟次蘇東坡海市韻

茫茫一氣天地空人身涉世浮漚中試看高岸忽  
深谷轉眼荒萊埋故宮六塵緣影皆虛妄四大無  
常隨化工至人宴坐外身世圓融一切降蛟龍太



空冥冥越諸累漠然得失如塞翁是身無我誰還  
有是身無人誰更雄紹隆三寶持正法祇園弟子  
傳靡窮吾生多病老江海每遇持誦心融融忽焉  
不知家屢空茫乎莫識榮萬鍾優游斗室日高臥  
清絕常忘歎與豐俯窺碧水澄秋練仰視青天磨  
鏡銅天空水淨了無礙想見靈山上古風

誦法寶壇經有感卽題其尾

空卽色色卽空欲識山河觀寸衷明則誠誠則明  
欲識身心觀太清太清寸衷各一天了知萬法皆  
心緣六祖于此獨深契終朝頓悟超十地泯然色  
相絕凡庸趺坐高談傳妙義人生時事波中漚倏  
忽變滅隨湍流門庭王謝已陳跡衛霍功名今在  
不清風習習煙含柳皓月娟娟兔爭走風清月白  
彈指過武陵桃花亦何有嗟余潦倒紅塵中一屢  
偃蹇安微躬瓊樓鬢樹渺何處欲往求之道路窮  
羨師根性不世出笑我前程墨似黍四十年來夢  
莫醒畢身形影空自恤何當共結香火因忘懷永  
作方外賓裁詩問法殊不惡埽地焚香得性真

秋月吟效長吉體

月波潑天天宇浮銀漢摩空作澗流蟾宮露滴濕  
煙影湘妃簾捲虛堂秋嬌春桃李逝如水青簡蠹  
空壯心死不須懷寶泣卞和世上玉人疇知己寶  
頭有酒愁奈何舉杯酌月且高歌牽思叩額呼素  
娥人生幾見秋風過金家香銜果何作楊雄白鳳  
終投閣病頭陳郎久零落二豎泥丸苦相索棄繻  
入關時已去愁吟不覺東方曙

排愁曲

海外尋仙去不回海上挈舟心未灰眼看飛雨夕  
陽頽曾閱盜跖何有哉麟鳳虎狼全一穴青塚黃  
昏弔明月人生快意曾幾時王母蟠桃誰見遺浮  
雲富貴隨去留春雨秋風歌莫愁

述二氏書成詠茲刪存十首都爲一冊時取  
而自歌之聊以遣興且用閑情

道德經

人生天壤間萬事日攻擊止之以無爲物我兩清  
寂雄飛固欣然雌伏亦不感置身塵網中和光混

砂礫試誦五千言博。大真無敵。

胎息經

胎從伏氣結氣從有胎息氣旺則神清氣微則神  
熄五行遞盛衰一氣妙生尅謹憑少火生勿使壯  
火食養氣以存神元胎從此植

定觀經

我心本自清云何忽多惑我性本自空云何復有  
色只緣理未明胸中莽無識陰陽互盈虛茲理非  
難測定觀得真筌蓬萊在我側

南華經

莊生外生死嗒焉喪其身非獨不有身抑亦泯乎  
人滔滔千萬語筆勢參鴻鈞春雲自舒卷寒泉絕  
點塵擬之談禪者清空應罕倫

玉樞經

道以誠而入用以虛而出矢志不紛神乃凝存神  
不失道與一異哉造物何狡黠芻狗生民苦奔突  
萬緣起滅一塵中七情顛倒幾時歇豈知大道坦  
然平至人應物不留物

清靜經

大道從來絕思議。先天而存無端倪。循途漸進忽相值。一念著想卽已迷。上德不德豁然了。下德執德空勇猛。驪珠拈出任人看。始知入道由清靜。

藥師經

吾聞上藥惟金丹。知之不易爲之難。不在祭祀事鬼神。不在導引善屈伸。至人得之心常存。超然三界登崑崙。茲更不以藥爲藥。明心妙覺空諸因。區區丹鼎與金液。勞精敝神何足論。

楞嚴經

一切有爲法。不離心性生。人人具圓理。各各本妙明。因妄則性迷。種種幻爭起。蒙昧罔分辨。認賊乃爲子。佛具大慈悲。人天會多士。指示無上乘。真覺自聞始。可憐塵俗人。窮年憂未已。不知循業緣。役役竟老死。誰知方寸中。靈山晤孔邇。

金剛經

金剛喻至堅。摧物莫不折。直取般若心。了悟十方佛。我非修行人。未悟不生滅。朝夕時游觀。聊以扶

衰疾於意本無云欲讚已忘說

法華經

菩提本無樹法華豈有華但因蓮在水清空莫以  
加爲卽衆所識以喻心無瑕一旦了然悟觸處接  
釋迦嗟我老耕種詩酒頗放縱學道恨無成逃禪  
將焉用丈夫不早計愚賤得輕弄暫尋方外游洗  
心細吟誦樂此淡忘機藉破夢中夢

戲言十四首

一病日高枕蕭然兩鬢殘吾衰真廢物不必避猪

肝

聞道王公子中郎情獨親忘年迎倒屣今日定何

人

陶冶性靈發鍾榮妙品評底須裁阮籍顏鮑盡新

清

吾懷何水部心折沈休文每見深嗟賞憐才信不

羣

子美詩中聖騷臺集大成許身希稷契選理獨專

精

白也才無輩平生小謝推迄今多李杜幾見六朝

詩

休笑蚍蜉撼將軍大樹牢名成即麟角學者只如

毛

繫獄思牽犬封侯覓爛羊浮生原是夢誰復醒黃

梁

官貴令狐氏何緣東閣窺背恩橫被議難沒錦囊

詞

覆瓿爭嗤點嘔心苦構思鳳池雖未達秀句玉清

知

馬革尸堪裹井蛙妄自尊丈夫重知己得失固無

論

士以知希貴女為悅已容支離羣飽粟僕病合耕

農

縵袍由不恥貨殖賜貽譏鏤月白成扇裁雲好作

衣

莫愈陳琳檄空傳董杏林未能外天選且傲倚梧

吟

雪

寒林凍合酒頻傾暮雪紛紛不肯晴竹屋孤吟光  
有耀湘簾低捲望偏明梅花數點映清淺玉蝶一  
庭飛縱橫軟飽三盃閒領略箇中況味眇滄瀛

十一月冬二十有八日張大教習敦瞿自京

惠贈畫梅并題以句冰雪歲寒意空山悟  
舊因相思不可寄寫贈故鄉春作此酬之  
尺幅遙傳故國春枝枝寫出玉精神算來忽又經  
年別飛落蓬門眼角新

翩然筆勢似關荆詩到無聲別有情恨不相攜驢  
背上曉風殘雪並鞍行

冰雪論交一片心嶺雲江樹別思深藥爐酒債年  
年事愧之瓊瑤報好音

歲云暮矣瓶無貯焉生生所資有假而不返  
者中夜以思殊不成寐竟日乃以酒澆其  
塊磊劇飲大醉恍若有得書此以示張子  
蓋張子則亦廉潔自好取與不苟者  
人心本云淨容容自擾之懷愁不成寐瞠目夜何

其小人喻于利利在靡不爲我亦斯人耳詎無緩  
急時均是謀衣食是非復問誰念茲渙然釋撫躬  
還自嗤惟君我鮑叔願言析我疑

瓦釜集卷十

平湖 高蘭曾 楚薌

柔兆涪灘

仲冬孟煥紅珊二女在家圍爐夜坐與秉禮  
分題詠雪詩成呈余點定余自癸巳悼亡  
後詩興索然已廢吟三年矣酒後閱之頗  
覺興動輒成四韻詩八首

雪意

寒夜一燈靜尖風利似戈可憐小兒女無益好吟



哦纔得同雲布爭携凍筆呵圍爐閒共坐苦效郢人歌

雪影

夜雪亦解事續紛素影翻照花如畫壁伴月好傾樽相顧淡無際諦觀空有痕鼓盆嗟未達醉賞滌襟煩

雪韻

六出復何韻飄然慰苦思翩翩神獨遠濯濯焰生姿把盞殊添興狂吟聊自怡忘情吾已久對此輒

情移

雪艷

艷色人間重清揚雪共妍撲簾爭絮舞隔牖鬪花鮮玉樹有餘態紅閨無此嬌平生心似石不覺見猶憐

雪味

淡泊承先志怡然雪獨嘗滿瓢蘇病骨一掬醒詩腸羨爾涼生齒清如玉作漿自憐孤介甚茲味最相當

雪耀

午夜不知暝。流暉逼戶庭。自他光有耀。令我日常醒。皎潔明松塢。晶瑩眩竹亭。孫康勤映讀。應復勝囊螢。

雪趣

誰解雪中趣。雪中趣自超。悟時方有得。佳處不須遙。顧我冷然善。使人意也消。梁園賦賓客。只是擾塵囂。

雪聲

村巷絕人跡。門庭滴雪盈。隔牕清睡思。側耳助幽情。響雜風林碎。聲敲瓦屋輕。賞音今更罕。靜聽感平生。

遣懷

風景依然故我存。朝朝暮暮獨銷魂。藥爐茶竈誰關注。罇酒棋枰莫解煩。宋玉陽臺空有賦。襄王幽夢了無痕。愁腸百結何由達。欲寄鱗鴻隔九原。哀感招魂也是癡。天涯海角邈難追。鹿門偕隱終虛願。鴛帳高眠幾度思。杜老嬌兒猶少小。左家弱

女孰扶持。早知鏡破無緣合。地下知情應亦悲。  
鵠往鸞飛去。日遙愴懷不絕。似春潮馬卿善病。惟  
燈見孫楚。長愁賴酒澆。蠟燭有心同淚滴。遼蓼無  
補頓形消。浮生聚散原如電。惆悵東陽瘦盡腰。

別緒

別緒無端白髮新。漆燈如豆不相親。葛翁丹鼎何  
年就。望斷城南病渴人。

秦臺

鳳去臺空夜似年。孤燈相伴幾殘編。女蘿山鬼休

思誰怕續靈膠不值錢

吹管秦臺誓始終。忽驚消息斷湘中。關心紫燕憑  
書寄。淚漬重湖信不通。

冬夜煎藥

我生本是空門子。漫來人世無一技。榮華名譽早  
灰心。藥譜方書披滿几。殘冬羣動困嚴寒。日夕荒  
齋庶勤止。溺情湯藥殊自嗤。竹竈銅鑪時料理。前  
村賒炭澗汲泉。配合陰陽和佐使。渣滓煉出元精  
凝。萬籟不聞聲在水。水聲沸處碎跳珠。跳珠錯落

聲遙起大聲隆隆松作濤細聲屑屑蠅觸紙大聲  
細聲聒耳喧疾徐高下亂宮徵半甌入口煖回春  
味美于蘭厚而旨酒闌茶罷漫品題苦茗香醪未  
堪擬君不見子明食朮腹忘飢任季服苓夜能視  
感余年來病日增頭童齒豁老如此和緩莫逢丹  
莫傳豈冀長生久不死雪窗風急火純青霜庭月  
落煙飛紫葳苓附桂藉扶衰敢憚髭鬚燒斷髻

艾如張

艾而張羅黃雀窮黃雀舉矣羅張空鴻門映未央

鐘飲食言笑多兵戎齊人織素平漠中雀以高飛  
喪厥躬危哉機發無蹤艾而張羅猶忽逢

巫山高

巫山高不可陟。巫水深不可越。山高水深天地隔。  
我欲度之無羽翼。臨歧擊劍氣蓬勃。男兒屈窮壯  
心歇。壯心歇。良時易鶉衣。百結交游闊巖壑。嵯峩  
天宇碧。分明雲路通。突兀斷行跡。登山涉水空愁  
絕。列子御風迷不得。

有所思

情波孽海思黯然。帝遣蕭史下九天。彩雲無意戀  
人間。颼風吹空去渺綿。心懸懸思拳拳人。莫識私  
自憐。中抑鬱。茫無邊。兔老蟾寒月下弦。明星爛爛  
不再圓。杜鵑泣蜀。積思牽。冷露無聲濕心田。

行路難

天默默。地岌岌。長蛇相向涎流血。猛獸磨牙伺林  
隙。狡獬獯貐往來倏忽。得人肉以食其甘如蜜。江  
湖風浪連天黑。蛟螭出沒層巖裂。東海黃公愁見  
追丹陽。許君慘無術。乾坤蕩蕩機百出。前路茫茫  
盡如黍。君不見秦時東陵侯。今日賣瓜昔搢笏。君  
不見漢家匡稚圭。他年傭作今赤紱。誰謂死灰不  
復然。孰云強梁終莫失。莊辛去楚旋執珪。文信居  
奇忽伏鑕。韓魏肘足變倉猝。耳餘勿頸還相滅。人  
心山澤險尤絕。山澤之險那容說。

將進酒

聯儀狄招太白。酒星名飛羽觴醉明月。混塵垢忘妍  
醜。怡然不知天之高。茫乎莫識地之厚。上古大椿  
壽如山。為春為秋歲八千。孔顏道德萬萬年。靈椿

視之須臾間。人生誰比金石堅。有酒不飲歲月遷。  
堯舜千鍾孔壺百。子路嗑嗑猶數楹。上下古今羣  
聖賢。何人不向醉鄉集。君不見斜陽一坏土。有酒  
不到劉伶肚。

上陵

公孫開東閣。賓客盈階級。金風綠葉飛。會見莠生  
宅。讀書上窺陶唐虞。秦漢以來代幾除。名卿才士  
多於魚葭管。吹灰過眼虛上陵。宮苑聚仙屬。秋娥  
踏月睡。初足星姬聯袂舞。霞裳玉子耕煙種。紅玉  
瓊樓璇闕排空光。瑤草琪花四紀芳。景雲爛漫春  
常在於萬斯年。壽命長。

芳樹

芳樹方春發。挽我眼雙青。迎風吐華萼。綠葉何娉  
婷。攀條贈素知馨香。懷袖盈依依。結深好脉脉。寄  
芳情。忽忽時事異。紛紛雪霜并。雪霜日浸潤。孤芳  
日伶仃。託生雖有命。望秋恐先零。念茲坐長歎。泣  
涕霑巾纓。

君馬黃

君馬黃貺彼蒼臣驕驕來自唐志四方騁八荒美人駕車馳道傍仰首哀鳴莫見長眼看鴛鴦服上襄直趨禁苑意氣揚春山簇隊雲鴈翔柳岸嬌嘶紅雨香行矣美哉游帝鄉良驥野田將安望

碎鏡

誰料溫公玉鏡臺無端摧碎落塵埃笑言俱滅空尋訪不見蒼頭入市來

題壁

魯連輕千金季布重一諾無處寫孤懷循牆數海

夢

屏風

六曲屏風色色工分明遮隔不通風那知星月無私照徧見朦朧隱密中

西施詠

一入吳宮聲價隆禁門深鎖苧蘿空捧心醜效東鄰女便似西施病不同

王明君

聞道傾城價不貲錢神畢竟勝蛾眉琵琶萬里行

荒外只欠黃金賂畫師

長相思

長相思淚千重秋風一別杳難逢燈悄悄月溶溶  
自憐腰轉瘦不覺帶圍鬆明知莫再見苦憶舊時  
容

長相思天欲曉朦朧窗外聞啼鳥薄夢醒柔腸繞  
月缺時復圓花落枝猶裊可人去不來單情何日  
了

自釋

我性迂且直不知世路殊龜勉思從俗汗顏愧庸  
奴職此甘勞獨閉門藉守愚雖無鴻鵠志幸脫塵  
網拘覽鏡感時事誰作眞丈夫荆卿哭燕市阮籍  
哭窮途卞和哭抱璞義山哭遺珠遠嫁哭國色薄  
命哭名姝懷才哭鵬鳥思舊哭酒壚我亦欲大哭  
竊恐類唐衢古人不復作眇躬空向隅李杜文章  
在韓昌黎句寤歌聊自娛

詠懷史事

歲聿二云暮塵事方殷維余病軀時得銜觴



靜坐尋思世俗眷念昔人覺所謂不爲利  
回不爲義疾不牽制於帷牆不眩惑於讒  
說車笠不貳其盟始終不易其志卽求之  
古人中殆難多覩慨焉感懷歎息彌襟情  
不能默率爾成詠如以爲言之者無罪問  
之者足戒則吾豈敢特藉以自警云爾

青蓮出汗泥亭亭絕點埃松柏歷冬夏蒼蒼不改  
姿志士重然諾涉險心莫移匹夫慕名義積金棄  
如遺郭李同舟濟范張千里期高風渺今古油然

動我思

翟公署門里貧富見交情淮南歌粟布兄弟互吞  
并卓哉鄭子真飄然谷口耕放懷忘利祿肆志恥  
逢迎環顧蚩蚩輩驚心雞夜鳴罔知卜式讓習成  
灌夫橫鎗銖微必較錐刀未盡爭窮途死名利哭  
殺阮步兵

燕趙多奇士藺廉尤絕倫秦王逞蠶食虎視連城  
珍抗顏折萬乘嬉笑批逆鱗完璧歸故主英風動  
四隣虎臣爲欽服負荆甘屈身將相互交結同心

秉國鈞張儀幸存舌李錐巧因人陸陸熱中子佻  
佻何足云

女德無終極蛾眉不讓人清穆如吉甫簧言苦未  
伸掇蜂納衣領讒間骨肉親骨肉且如此燕啄亡  
天倫況乃尋常侶得毋惑笑嘖詩規豔妻煽書戒  
牝雞晨吾儕學古訓良言宜書紳賢賢易好色喋  
喋罕能仁樓觀笑蹙者平原爲殺身持家急分爨  
繆彤深怒瞋讀書懷自好還當此細詢

直道行三代吾儒尙一誠奈何縱橫口談笑藏刀

兵袁盎惡鼯錯絳侯短賈生智囊卒見殺高才謂  
紛更昔賢猶不免偏聽失忠貞而況布衣交酒漿  
託弟兄旣罕分金誼曾無挂劔情浸潤骨爲毀萋  
菲耳易傾作詩繼趙壹敬告同羣英幸察區區意  
勿迷貝錦成

淮陰未虎變受辱出胯間醜顏若無骨饑驅還乞  
憐一朝從隆準勳名震人寰爵羞噲等伍位次蕭  
曹前千金酬漂母入校擢少年感此慨流俗滔滔  
逐物遷轉眼雲泥隔頓忘宿昔緣孫龐成讐敵田

寶傾班聯白首或相負見利輒爭先屈指幾今古  
何乃盡同然遂令車笠盟淳風曠代傳出言貫金  
石垂輝耀簡編

劉茂從韓福赤眉環而攻備嘗艱與險義不負主  
翁李善存孤子閭閻化其忠王忱信死友何論全  
始終陸厥謹操守食貧安固窮豫讓感智氏漆身  
明寸衷聶政報嚴仲精神貫白虹緬想數君子至  
性格蒼穹余亦尾生輩空懷誰與同

於陵有廉士矢志冰雪清內不治生產外不友公  
卿嫉人而遁世織屨以謀生人情既罕合天意亦  
相傾雖非聖人徒廉潔頗自殊譬之爲巨擘於今  
復何如

仲卿奴產子給事平陽府咄嗟封大將還尙平陽  
主范睢乃溺餘折脅任捶楚脫身西相秦故人拜  
廊廡程鄭出聯車誰嗤是遷虜季子黃金盡妻不  
下幾杼賜緋牧豕兒衣錦鬪雞豎人生天壤間凡  
事難逆覩不聞次公言富貴何常所忽則易他人  
高論喚千古

宋人不辨石重之如球琳楚人不識璧輕之如芒  
針人情貴目下良寶貨當今在璞玉爭棄錦衣世  
共欽勢去親朋闊時來交契深容容多厚福逐逐  
空勞心而我亦何事蹉跎二毛侵孫戶經年閉陶  
瓶罕一金扶搖莫借力莊惠杳難尋持觴閒索句  
聊作座右箴

雨夜閱內子讀畫樓詩集悼未能已情見乎

詞

燈窗人靜雨絲絲手把殘篇涕滿頤  
脚實閨中我

良友而今誰與助談詩

歲寒借老竟成虛回首秋風恨有餘  
余內人歿於秋九十八日  
元相悲懷空自遣安仁多病悵何如

追和內子題張文敏公墨梅畫障次朱韋齋

先生答林康民見和梅花詩韻

仲冬己亥日在尾河干凍結水清泚忽看春信到  
荒齋一枝綽約畫屏裏韻高豈合作逋妻品潔真  
堪邀鶴子披圖想見憑几時得意疾書如土委老  
幹離奇勢縱橫寒葩掩映細分理疏疏點墨弄冰

容淡淡輕煙疑玉蕊先生六書天下名至今手筆  
芳流齒真行草隸無不佳燕瘦環肥各擅美閒窗  
習靜偶寫生尺箋幻出傳千里翛然攜我坐孤山  
快把人間俗塵洗

除夕飲醺有感

人生幾何對酒當歌

魏武帝句

樂我今夕五十又過眷

焉四顧直道消磨滔滔皆是惟利揣摩情深氣合  
位尊金多交推爭敬指囷鳴珂尺布斗粟反面操  
戈數奇不偶醉尉來訶慨我浩歎泣涕滂沱有酒

且飲遑恤其佗憲終環堵商老西河古也如此子  
我則那

日往月徂歲不吾需天道幽遠世路崎嶇騏驥閒  
棄駑馬先驅文豹在奔狎侮狸狐悲從中來忽焉  
忘吾姊弟怡怡兄妹愉愉幼女娟娟雪貌玉膚一  
觴一詠聊以自娛世莫我知我無世須人極人巧  
吾守吾愚

瓦釜集卷十一

平湖 高蘭曾 楚薊

強圉作噩

元旦曉起敬拜天地祖先像退坐小息遂杜  
 門謝客閒閱趙文敏董文敏及我先文  
 恪公手書各小楷冊開卷有益莫不豁目  
 爽心譬入勃律天西所見無非至寶元日  
 得此當卜一年清興或不虛云爰作長歌  
 二首記之

春風一夜來。旭日滿窗竹。流年疾如梭。去日苦常  
速。曉起盛衣冠。聊盡寸心肅。病軀再拜難。寂坐甘  
幽獨。占人不我遺。殘墨幸收蓄。涉世幾風霜。偏許  
閒齋讀。開卷絕纖塵。歷覽爽心目。宛然鼎足三。文  
苑互馳逐。因茲頗自豪。不厭遇窮蹙。惠子書五車。  
鄴侯架千軸。人情貴多文。吾意欣數幅。得少而味  
長。真賞在茅屋。

松雪墨妙凌九州。思翁腕力回萬牛。吾祖文恪起  
其後。筆鋒橫掃千人儔。趙書解嘲及封禪。光芒四  
射明雙眸。子雲詞令競神妙。相如文采爭風流。董  
書坡仙樂毅論。細筋入骨蟠戈矛。剛健婀娜兩超  
絕。姿媚軼出花枝柔。先公本具廊廟器。弱冠入法  
傾通侯。龍跳虎臥力無輩。揮毫直上鍾王樓。我生  
閒棄偏好古。囊空不得窮旁搜。遺文佚字偶然出。  
見之恍若逢天球。豈期至寶儼在側。快意目前何  
用求。況復美觀值元日。一年清興常還不。

八日

寸衷空洞了無城。高臥生涯習慣成。老去倦懷千

歲計朝來快觀一簾晴。枝頭盡放衝寒萼。屋角新  
聞出谷鶯。贏得狂吟留寶相。恥談華屋盜虛名。  
薄病年來總未瘳。自知骨相不封侯。枯生簡嬾誰  
青眼。莊叟逍遙已白頭。養拙何妨埋姓氏。居閒無  
事結交游。脫身一落紅塵裏。倏忽人間五十秋。  
舉目雲天萬景春。太平有象歲時新。江鄉翦綵親  
相餽。荆楚裁金巧作人。只有寒家徒壁立。幸無繁  
禮得天眞。縱然落實長窮巷。讀畫評書沐  
化  
停。

瓶梅戲詠

室有梅花勝美人。銅瓶攀得一枝新。疏疏影落虛  
窗月。漠漠香傳白屋春。雪後梅前添嫵媚。夜闌燈  
靜倍精神。遙思傾國傾城色。何似幽姿不染塵。  
玉骨冰容絕可人。相親相伴二毛新。攜來雪裏猶  
含凍。位次房中獨擅春。自笑荒寒長棄世。誰憐冷  
淡爲傳神。那知素萼高無價。天與孤蹤破俗塵。

讀蜀志有感諸葛武鄉侯次王半山金陵懷

古韻



受任長驅取蜀江。嗣王不惠輒生降。茅廬至計原  
無耦。羽扇高風自少雙。莫挽天心傾漢室。空留籌  
策話蓬牕。出師未捷表常在。讀罷思吞酒一缸。  
大星中夜落夔江。劔閣崢嶸計日降。八陣韜謀時  
莫輩。一家忠孝世無雙。巉巖關塞雄如昔。寂寞祠  
堂月滿窗。往事匆匆成鶴夢。放懷惟有醉春缸。

十六日對雨小飲次朱文公對雨韻

日夕雨不歇。柴門斷客至。竹木澹無輝。庭宇聚雲  
氣。微風拂衣裾。虛窗濕陰翳。時見一鴉飛。漠漠來  
天際。會心不在遙。卽此絕塵思。優游樽酒間。動我  
春風意。

讀項易庵花鳥草蟲小冊卽次前韻

結構本天成。匠心用獨至。披圖宛若生。色色有真  
氣。蟲飛集草端。蝶舞迷花翳。雙雞得得來。奪食鬪  
坡際。筆尖絕纖埃。妙景耐人思。兀坐恣遊觀。舉目  
滿生意。

僕病經年親戚多疏。時維二三兒女藉以陶  
情。昨日孟煥來。今日紅珊來。喜而有作。輒

用病競二韻爲起結以志喜也

二女連日來欣然起予病今晨簷鵲鳴昨夜燈花  
迸趨承茅舍溫不尙虛恭敬談餘夜漸闌燈影一  
簾淨姊妹樂融融並坐雙珠映兄弟各舒懷姑嫂  
互相慶家庭幸歡聚人事多變更得此殊自怡名  
利空奔競

黃昏薄飲聚話復作長律一首示孟瑛紅珊  
蓬門岑寂晝常關忽覩雙雛次第還小集荒齋欣  
動色共斟濁酒起衰顏謝庭慧質原多愧顧氏清

心庶一般老去襟期惟喜聚何由長侍乃翁閒

正月二十有二日天氣驟暖僕病畏寒頗覺  
融融然舉體順適賦以志喜

春風疑不到蓬門快得盈軒淑氣暄庭草爭芽浮  
翠色煙波流暖漲新痕人如挾纊身加健座去圍  
鑪室自溫昂首長空添逸興高吟實欲百川吞

二十三日清晨又雨天氣仍寒卽次前韻復

成一律

風雨瀟瀟亂打門曉來依舊失春暄虛堂簾捲迷

煙影小巷泥凝有屐痕。乍喜殘軀殊活潑。那知中夜異寒溫。倏然一榻渾無意。閒坐含毫吐復吞。

是夕小飲薄醉復得長律一首再疊前韻

燕寂鶯愁晝閉門。滿持春酒暫迎暄。暖來頰上殊多泰。寒退杯中不見痕。叉手渾忘吟袖冷。揮毫頓覺綈袍溫。何當伴結高陽侶。劇飲衡茅風雨吞。

二十四日仍風雨且雪三疊前韻

飢寒無夢客填門。陰雨連朝總未融。庭宇雪飛融睡思。池塘沙潤長苔痕。不禁擁絮詩喉禁。且藉煎

茶獸炭溫。十載苦吟如鳥瘦。何人丹篆腹中存。

二十五日曉雪午霽漸見日光四疊前韻

繩作窗樞竹作門。一寒如我絕吹噓。忽看午日亭亭影。瞥覩晴煙淡淡痕。叔夜興高蝸舍爽。仲宣體弱鹿裘溫。不因人熱平生志。竊薄淳于五斗吞。

閒坐口占五疊前韻

素慕元元衆妙門。逢人不慣作寒暄。逢摩面壁原無字。六祖談經豈有痕。故我幸空聲色奉。衰顏全仗藥鑪溫。繁華一夢何年醒。淪落塵寰淚暗吞。

卷十一  
二十七  
二十七日仍復風雨是日適 母氏家忌感  
而有作

霖雨止還作春光總寂寥  
閒庭人跡絕深巷屐聲  
驕麗日云何往暄風不可邀  
淒涼花濺淚惆悵柳  
含條莫挽終天別長懷  
淑景遙關心雲共暗觸緒  
筆難描竹徑添新綠煙  
溪漲晚潮積寒愁永夕宿  
霧晦連朝礎潤書生蠹  
泥淤市遠囂霑濡鶯不語  
霖霖蝶無聊孫戶經年閉  
曹書次第銷深恩真罔  
極弱體已先凋愧負雛  
烏報衰慚朽木雕空階簷

溜滴相助涕頻挑

二十八日早起喜晴六疊前韻

關情旭日照柴門霧散雲開幽谷暄  
啼鳥枝頭驚蝶夢落梅牆角破苔痕  
一林嫩綠晴光媚十里新紅麗景溫  
暫向虛廊閒縱目風愁雨怨氣全吞

憶女七疊前韻

病軀潦倒雀羅門有女相將共負暄  
見我尋常時一笑辭家暫亦淚雙痕  
思懷若渴春如醉別緒無端坐未溫  
衰暮愛憐情益甚消閒頻把綠樽吞

書慨

蕙槁蘭枯幽谷中。紛紛蕭艾概從同。維摩臥病長  
遺世。子美緣詩只固窮。謹慎一身陶徑寂。圖書滿  
架阮囊空。叔山務學終無補。感憤狂懷氣似虹。  
往時未識世途中。伏則爲雌出便雄。遺業蕭條真  
似洗。浮生容易已成翁。貧居愧我非周黨。肉食何  
人是孔融。滅刺正平空自許。誰傳鸚鵡賦江東。

自題二非圖小影

蓋聞六塵緣影原是幻身四大皆空本無

我相莊之言曰吾身非我有也是天地之  
委形也生非我有是天地之委和也性命  
非我有是天地之委順也由是言之則今  
日之我安知非昔時之和尙異時之和尙  
安知非他日之我哉且夫人之生也雜乎  
芒忽之間氣變而有形形變而有生既生  
而死又死而生則又安知何者是我何者  
非我何者我之非和尙何者和尙之非我  
哉憶吾自前年癸巳秋憚吾室人去冬又

卷十一  
遭吾大兄之喪今春復哭吾良友張子笠  
溪焉骨月至親死生契闊未有如此之甚  
者而吾亦忽忽浮生半百矣圓覺經曰四  
大台離皆各有歸今者妄身當在何處卽  
知此身畢竟無體和合爲相實同幻化唯  
然而我也和尚也孰果我孰非我又孰從  
而別之時吳門有傳神者挾其技來吾湖  
爰倩其繪余影一衲衣一便服相與並石  
而坐淡焉漠焉儼然如覩故我悠然與萬

化俱游亦幻亦真杳乎若忘形骸之所在  
廓乎其泯人物而與之爲一圖旣成遂以  
二非名之因復作長律二首詠歌之以自  
省云

癡兒苦莫了經營迭面還將假相呈是我是人都  
幻境誰僧誰俗總虛名空空色色波中月栩栩蘧  
蘧夢裏情上士達觀一生死只緣真宰認分明  
偶來人世日相親一別空山五十春妄固非真真  
亦妄神常化腐腐還神細思故我原無我豈謂殘

身便是身省識楞嚴河水喻任他萬物競趨新

城上烏

城上烏啄池魚莫返哺背而遁老烏啞啞遶城呼  
哀鳴嗷嗷口卒瘠子克成家分路趨羽毛豐滿營  
別居母取箕箒父借鋤面懷德色忘生吾妻孥被  
服麗且都朋黨比周交相扶婦姑勃谿競錙銖兄  
弟鬪牆投有無大儒發冢傳詩書小儒斷章取含  
珠富商入粟衣紫朱嗷嗷聽者愉人生安用  
會閔徒天下熙熙惟利圖伯夷讓國作餓夫尾生

守信死枯株蕭曹刀筆雄里閭寒素清白辱於奴

聖人御宇超唐虞德被生民徧海隅親臣輔  
相聲價殊大老參謀宏遠謨鋤強扶弱羅網疏星  
星不滅燎街衢涓涓不止成江湖草野何知知古  
初牧去害馬仁政敷黃帝以之游華胥

作詩

作詩無知音不如不作妙作詩徒苦心碎鑿渾沌  
竅

甫也諸侯客白亦流夜郎楊王當時體水死天一

方

劉義竊韓金謂是諛墓物忍饑苦誦詩誰濟身前

急

盧子躑躅也郊寒竟莫售薦盡泰山力何嘗出一

頭

郭李不易逢真知天下少來者復爲誰虛願何時

了

郭縱起鐵冶幾會苦挖揚榮名埒王者光燄也復

長

胃脯筋微耳車騎交公卿灑削薄技也鼎食擬專

戚

尼山儒家祖發憤欲無言真趣在天壤會心詩思

存

我佛因是緣達摩來東土不立一語言面壁作稽

古

史遷下蠶室慷慨傳販脂陸機擅文賦不如鬪雞

兒

文章原小技壯夫薄不爲顧我微且賤云何好作



詩

作詩亦何好竊附分年考豈希漢馬班借爲自敘  
橐

獨酌謠

獨酌謠獨酌還獨謠上下百千歲四海未爲遙古  
人不我接今人難共邀黠者如黠鼠橫者如鴟梟  
愚者等木偶顯者聯班朝職此成獨酌對影結友  
僚一酌齊物我再酌泯塵囂醉鄉在咫尺昏昏亦  
昭昭鷓鴣不見大鷓鴣不覺么浩然衡茅下真氣

凌九霄天地有終極此心常獨超

哭張子二十韻

我愧非東野君直我退之食貧爭勉勵見義互箴  
規不獨交文字相期共險夷疑難頻指示宴賞必  
肩隨心契接韓孟情投勝陸皮那堪膠漆固頓爾  
死生歧風雨嗟何及音容渺莫追才豐人罕識學  
飽數偏奇閉戶同孫敬談經折賈逵神清黃叔度  
誼重鄭當時蒿目良朋濶愴懷古直遺望雲添慘  
惻把酒倍淒其入夜空尋夢挑燈理贈詩仙樓將

協律塵世失雄師抱璞應終合藏珍竟未施青年  
盟永好白首忍輕離子產無爲善虞翻孰復知念  
茲增感慨揮涕每淋漓車笠成虛語煙霞助苦思  
作歌聊自遣閒詠藉舒悲

題錢六霞生

耀

畫便面蜂蝶花草次坡翁書

鄢陵王主簿所畫折枝韻

幽花不媚人光艷如嬌女綽約幾枝開目眩飛紅  
雨草頭蜂兩三約略空中舉依依去復來採蕊隨  
雙股非緣筆夢花豈得春生楮晴窗時一觀臨風

真欲語

觀宋方椿年畫蟠桃仙會圖歌卽題卷尾

我欲訪蓬萊言從赤松子滄溟萬丈濤可望不可  
邇留看一卷中舉目靈山裏其中多仙人綽約凌  
風起上真駕青鸞子登乘綠駟誰薦千年桃弄玉  
與蕭史芝草隱層臺琪花拂素几爽氣逐人來清  
風沁骨髓遐想經營時形槁心如死得象在意先  
興到適成此自非手獨超信乃神乎技飄然筆欲  
飛恍兮雲生履何必乘長風相須騎赤鯉追隨琴

高仙揮手謝鄰里

謔柳

放盡黃金縷。攜來太液池。漫誇張緒似。競鬪小蠻  
姿。葉密綠絲細。條長得露滋。幸逢春正劇。光景一  
時移。

嘲桃

悵望桃源已隔塵。卽今猶說武陵人。欣逢麗日千  
般媚。全仗春風一色新。紅艷自能迷醉目。嬌姿都  
幸遇芳辰。漁郎原是煙波侶。應合迷途不得津。

讀陰符經張注殊超效李長吉體留題卷末

嵩陽玉冊上清閣。中有瑤璣括天地。崆峒授受破  
天荒。秦皇漢武無由致。李筌山行時。去來鴻龍不  
守山。爲開道。逢仙姥。示微指。人身自有造化才。觀  
天之道立。天命日月交。光得真性橫。風吹沙。旭日  
寒涼月。欲明雲影昏。五行反覆遞。相消百年老木  
還自燒。聖人指出平陽路。生鐵鑄成大千鐫。十二  
因緣金轉輪。血凝血散幾人悟。白楊蕭蕭燐火青。  
靈書繭紙空。留名塵世死生日。無算天成丹鼎隨。

形散三吳隱者張子還八十老孩深好仙一編細  
嚼精光出直探明珠向龍穴

傷春吟

東風淚滴蛾眉顰青年綠鬢不知春金釵色麗飛  
延津紙帳畫屏生暗塵楊柳絲絲不住新桃花流  
水催暮雲一雙蛺蝶送春老眼看落紅愁不掃黃  
昏冷雨弔芳草蕙槁蘭枯志空抱

嬉春曲

楊柳岸杏花天春風搖蕩春愁牽翩翩年少都堪  
憐紅肥綠嫩爭春妍禿襟小袖綺羅鮮尋芳爛用  
青苗錢東書不覩天地濶惟知一生花裏活誰料  
寒風起蘋末夕陽背影山光沒

落花

桃紅梨白鬧春晴花落枝頭景便清莫怪人心輕  
去就東風猶自不長情

春晚經故宅慨然有作

王謝烏衣巷尋常燕子來白雲流樹杪青草蔽牆  
隈簷漏蛛絲網花飛蝶意猜江南哀庾信感我有

餘哀

韓公畫錦堂千載尙流芳。苔護重門靜，煙迷古木蒼。客稀驕犬吠，砂積聚蛇藏。聞說諸南阮，英年氣自揚。

風景不殊昔，祠堂何處存。壞垣疑虎伏，亂石駭龍蹲。目極春光迥，廊深日色昏。阿奴甘下策，誰似伯仁敦。

淮南歌粟布，警句耐吟哦。牛萬固多力，馬卿常抱疴。比隣桃掩映，隔院竹婆娑。縞薄普明淚，蘇瓊論不磨。

雲雁各千里，平生心事灰。香殘紅杏落，風妬紫荆摧。迢遞殘陽暮，綿延滋蔓荄。忘情惟柳絮，只是舞低徊。

石流

石流涼陽石，經波炙何洋洋。融風吹化，隨波颺石本堅貞。水自涼水陽石流，改故常佳。人有恆天亦喜，士而二三將安止。佩蘭貞士慎，勿與相邇。相邇循波起，拔本塞原，恆心死。

臨高臺

臨高臺感浩歌塵事忽忙壽幾何  
天長地久壯心磨環視城郭鬱嵯峨  
公侯第宅爭鳴珂美人二八朱顏  
酡賓客雜沓肩相摩歡樂未幾哀  
咽多時去時來歲月過羊公勒碑  
涕滂沱李郎作詩悲銅駝百年身  
世疾于梭荒塚纍纍迷山坡吁嗟  
乎荒塚纍纍迷山坡眼前黃土昔綺  
羅

河樓晚眺

春盡江南病未瘳夕陽勸客獨登樓  
紅稀綠暗俱無賴燕舞鶯歌暫寫憂  
顏巷自來多寂寞梁園從古易交游  
不知蜂蝶忙何事爭向煙花鬧處投

山房題壁

燕燕鶯鶯日風風雨雨天時乎來  
不再愁也覺徒然靜對青陽景空  
懷寶劍篇未堪公幹疾坦腹只高  
眠

眷言聊樂我不奈熱腸回齊大謀  
難測邾卑志易摧楚囚君子也樊  
圃小人哉幸得秦臺鏡掩心多見  
來

荀子儒家者莊生世外人不緣情性惡豈謂虎狼  
仁勢異天倫濶金分殊類親自慙孤陋甚花柳閱  
時新

題殷上舍

銓垂釣小影

雲水興不極一竿恒自怡臨淵寧有羨鼓棹偶垂  
絲浪靜隨流穩心閒到處宜應知非避世娛老樂  
清時

我本煙波侶翛然遠世情病魔多作惡夙志竟虛  
成短榻時高臥扁舟待此生今看圖畫裏重憶五

湖行

采蓮曲

蓮塘水深蓮葉肥吳姬蕩漿逐雲飛薰風吹暖香  
滿衣香滿衣日將夕波盈盈情脉脉

朱花的爍照眼明清姿玉貌兩相傾路傍行人魂  
共驚魂共驚心乎愛貌生光花弄態

沙棠爲舟桂爲楫目如秋水眉如月嫣然一顧傾  
城國傾城國善容儀三五後二八時

二八佳人情渺綿凌波綽約花爭妍可人景色悶

人天悶人天無聊賴整裙腰理襟帶  
前溪後溪波浩汗歌喉一串如珠貫清音迢遞續  
還斷續還斷意迷離鴛鴦交頸燕差池

野田蘭

幽蘭生野田泥塗日潦倒田夫刈作薪捆束全茅  
草

翛然籬落間國香自如故狼藉棄道旁花葉不相  
顧

空谷渺難卽靈均去亦遙順風激蕭艾得勢者芳

標

放歌行次汪鈍翁謫仙歌韻

緩步可當車何用慕乘軒晚食可當肉底須艷脰  
蹠君不見雲間二陸才華聲望豈云淺一時傾倒  
朱門達官見恨晚忽焉橫被讒人挾嫌搆其間苦  
憶華亭鶴唳追悔卒莫挽我獨年來萬事盡作空  
花觀前生原是深山石洞之黃冠初不遠羨林宗  
折巾角亦不妄冀王喬控鶴還呼牛呼馬由人喚  
疏食菜羹隨分餐居貧未辦葛翁丹養疴曾燕華



池泉呀嗟乎人身天地自難得世事煎熬如火然  
那堪溺情陷塵網罔知學道希聖賢使非扣樹足  
盪酪誰識園公是謫仙

瓦釜集卷十二

平湖 高蘭會 楚薊

悲秋行九章

悲哉秋之氣淒涼結愁思悲哉秋之氣淒涼結愁  
思空庭葉落隨風東西伏處者賤牛馬爭蹄清絕  
者肅觸目增悽歌以言志悲哉秋之氣  
往者白駒馳蹉跎以自遺往者白駒馳蹉跎以自  
遺命不可改年不可知盛壯強力曾得幾時瞻仰  
日月念念遷移歌以言志往者白駒馳

富貴易爲居。貧病舊游疏。富貴易爲居。貧病舊游  
疏。倪寬都養王溥。傭書華門圭竇。落莫何如尊榮  
富厚。名重璠璵。歌以言志。富貴易爲居。  
遑遑欲何爲。人壽百年稀。遑遑欲何爲。人壽百年  
稀。始終生死賢聖莫逃。窮通得失過眼雲消。沈吟  
哀歎心也徒勞。歌以言志。遑遑欲何爲。  
我意蓬萊山。滄海浪兼天。我意蓬萊山。滄海浪兼  
天。浩然遠懷恍無挂礙。聞道不真風雲暗曖。未達  
一間昭昭復昧。歌以言志。我意蓬萊山。

願從赤松游。翻身脫塵縛。願從赤松游。翻身脫塵  
縛。棄智絕欲辟穀不食。呼吸三光鍊形易色。合二  
五之精英培元根。以再植。歌以言志。願從赤松游。  
仙人難猝逢。迢遞白雲封。仙人難猝逢。迢遞白雲  
封。葛翁丹鼎其秘莫測。劉向燒金亦莫之得。冥求  
無導師。錯誤旋生惑。歌以言志。仙人難猝逢。  
九州路未遙。一室心自超。九州路未遙。一室心自  
超。天道福謙退。讓是寶強梁。靡愆庸可長。保世變  
萬端。情波浩浩。歌以言志。九州路未遙。

感感空煩惱憂傷易用老感感空煩惱憂傷易用  
老神役者傲氣衰則槁盜憎主人率莫我好芒乎  
漠乎逍遙懷抱歌以言志感感空煩惱

貧士

從來貧士不勝秋千古茫茫恨未休一自騷壇悲  
宋玉吹寥天氣到今愁

村西豫章行九月二十三日有爲而作

憶昔村西場豫章列幾行層樓夾大道飛宇曜朝  
陽朝陽一何麗烏鵲繞林至交交復啣啣處處可  
人意可人天一方鵠鷗氣激昂寒煙紛漠漠涼霧  
夜蒼蒼蒼涼積陰滯荏苒流年逝本根旣已摧枝  
條各凋敝凋敝亦何有前麻恐弗負春風去未來  
何以遺厥後厥後邈難知榮枯會有時天道害盈  
滿人謀安足爲天人互擊搏茲理豈舛錯傷哉世  
澤綿霜雪竟交作霜雪紛以擠時睽天亦睽天晴  
雲自淨試還望村西

鞠歌行

世業微喬木零蕙芷芬芳荆棘橫感霜露念弓旌

卷十二  
三  
日月奄忽不暫停琴焦尾壁連城用者方珍棄共  
輕歲云暮命莫更今我不樂白髮生雉爲蜃草爲  
螢天地茫茫機杳冥

秋盡

庭樹婆娑生意殘十分秋色又闌珊微軀寂寞同  
雞肋久病綿延憶馬肝鄧支國有馬肝轉丹石一粒可以延年貧賤  
不思翁子貴窮愁敢薄孟郊寒緼袍環堵年來慣  
木落天空眼自寬

陳鳴遠宜罇歌贈錢六霞生

耀

宜罇作者推大彬後來高手鳴遠陳匠心獨出世  
無輩取材象物俱逼真水蟲花果各殊製樸茂細  
膩肌理勻邇來人家尙華麗雞缸寶燒椀絕倫成  
窑五彩宣青綠刻劃精卓工入神或如李唐沒骨  
法或仿宋院麻皮皴我家世守甘淡泊竹籬茅舍  
安清貧茲器流傳已數代歷劫莫壞埋風塵昨搜  
書簾偶見此古質恰稱山齋淳指以羅帕拂以巾  
置之案頭時相親茶餘飯後了無事摩挲不覺屢  
顧頻湘簾煙淨雨初歇蕉牕客去殘陽新迴看晶

盤及玉匣翻嫌粗俗塵汚人伊余病廢絕嗜好衰  
年藉此娛夕晨卓哉彭城錢氏子翛然物外寄閒  
身雅與老夫有同癖泉石爲友花爲鄰丹青滿壁  
詩滿座邈焉不識珠玉珍特遺茲罇託素抱庶幾  
共結清淨因

初冬閒詠

才貧庭宇荒楓落湘江素心織竟虛言舌耕多罕  
遇杜陵老布衣阮籍悲窮路我本病閒人翻經得  
閒趣

嬰賢越石夫司馬執鞭慕知己古來稀解人何處  
晤梅思東閣看竹嘯南柯寤孤坐索義爻靜消香  
一炷

冬日書懷敬步先文恪公春日閒居韻

柴門習靜噪寒鴉隱几蕭然日乍斜一碧山光來  
牖隙半天雲影逗林樞愴懷鬚髮添潘鬢愧負圖  
書似米家稽古十年成底事居貧無夢筆生花  
車馬紛紛溢六衢愚蒙不識艷金夫嘔心李賀終  
吟舍懶讀邊生笑學徒柏子香燒閒索句霜林果

熟好傾壺巾箱典盡無長物手撫遺詩余家藏先

父先君子詩集均各仔細摹

斗室淒其雪舞勻禦寒幸得甕頭春劉郎早歲空

然荻莊叟窮途感涸鱗薄醉未妨書作枕殘年不

羨劍飛津丹經藥譜從吾好且養梁園善病人

橐筆何人嗣好音余家藏有先文恪山房睡醒日

悄悄故園臺榭都遭毀時余城西老秋水池塘邈

莫尋余大兄秋江先生于籬落僅存陶令菊時此

花猶有四五塵寰誰賞伯牙琴傳家忠孝蒙宸

翰余先文恪公蒙聖祖仁皇帝親灑世澤飄

零獨苦吟

宸翰書忠孝二字面賜有詩恭紀

敬題 先文恪公恭和

聖祖仁皇帝御韻手書小楷紀 恩詩冊卽次

先文恪公題柳誠懸書度人經真蹟韻

吾祖文恪善歌詠早年海內知名姓餘技兼工歐

褚書歐陽挺拔褚端正 熙朝 聖人文武

姿 奎章宸翰日星送句奇語重奧且淳萬國

九州瞻莫竟是時吾祖城北居讀書陋巷囊螢映

角巾草履樂簞瓢。儒有席珍期待聘。草莽忽被

至尊知日近。

天顏心益敬。賜第周廬。闕

苑西

君臣一德何庸諍。賡歌颺拜千載逢。明

良際會布寬政。邇來百又數十年。

天恩祖澤

有餘慶。子孫世守時敬觀。怒猊抉石比剛勁。晴窗  
無事靜臨摩。縱得形似如優孟。坡老襄陽不足多。  
思翁松雪差堪競。百行小楷瑩無瑕。謙素完好氣  
明靚剛健婀娜。雲卷舒雄深雅健。勢爭橫姿媚遠  
溢超輩。流疑授右軍。親面命迄今吳。客漫雌黃辨  
析紛紜資談柄。我生萬念悉成灰。筆床茶竈習清  
淨。珍藏持贈臨池家。應勝藝林一金鏡。

題倪迂翁墨竹卽次迂翁自題畫竹韻

自問孤懷竊頗豪。臥疴一榻等懸匏。如翁信足衙  
官宋。感我空慙僕命騷。曠代卽今原寡耦。披圖何  
幸忽相遭。條然數筆吞千畝。細味高風飽老饕。

仲冬二日對雨夜飲卽疊前韻

連宵陰雨興偏豪。快得春醪酌滿匏。痛飲莫須消  
漢史。狂吟不耐讀離騷。銀燈寂歷凍初結。鐵馬鏗

鏘風幾遭我已盡拋塵世事縱情詩酒苦貪饗

讀先文恪公詩集有書趙松雪與中峰老人

七續後四絕句有感敬和

離懷無際亂絲縈差別因緣悼獨生莫謂幻心隨

起滅前賢猶自未忘情松雪翁以魏國夫人管仲姬之亡與中峰書札往復

云孟頫與老妻不知前世作何因緣今世遂成三

十年夫婦又不知因緣如何差別遂先棄去使孟頫

頫若夢幻但幻心未滅隨滅隨起不能自己者

惆悵鰥魚目不瞑殘更閒坐一燈青卅年陳迹原

如夢余與室人亦復

只是昏昏醉莫醒札中又云

傷悼痛切

松雪年過耳順時栖栖尙爾慨此離嗟余半百方

初度四載孤蹤孰我知計室人亡時余年四十七距今已四載矣

欲和遺詩思不禁中懷惡劣百愁侵那知世及遙

相感字字吟來淚滿襟

讀吳秋士名山記抄題後

平生邱壑病膏肓家住平湖盡水鄉開卷快游山

萬疊蔚然眉角擁青蒼

松梯石棧路重重坐對雲巒興自濃莫道病軀常



閉戶置身時在最高峰

一山纔了一山接咫尺探奇歷九垓笑問向平婚  
嫁畢曾不五嶽徧游來

觸目林泉聽有聲巉巖峭壁案頭生休嫌紙上瞻  
陳跡福地洞天時一行

縮地移山我未能峨眉鴈蕩夕長登允宜潔盥齋  
薇露信手輕翻墨起稜

○擬蘇東坡書王定國所藏煙江墨嶂圖卽次

原韻 五首

激灩波迷江上山山光積翠江含煙雲巒縹緲杳  
難辨巖壑嵯峨紛聳然王郎健筆妙天下蘇子酣  
歌詞涌泉連岡迢遞接千嶂澄江浩瀚吞百川憑  
几再觀情不厭宛似身親江嶂前行人木末來江  
岸潮平野闊波連天板橋流水迭隱現溪花澗草  
增芬妍斜穿曲徑入村落一雙白鷺飛陂田嗟余  
恨無縮地術不然會當移家住幾年石屋風清雲  
黯黯幽林日暮楓娟娟松杉一帶蔽山寺就中應  
有詩僧眠平生好詩兼好畫江山清空殆欲仙借

問君從何處得令吾見此輕萬緣。山高水長興不極快如朗誦莊叟逍遙篇。

冬夜閒坐聽兒輩談金陀園之勝欣然神往

卽壘坡翁書王晉卿所藏煙江疊嶂圖韻

吾湖水鄉無片山。平生性僻耽雲煙。那知勝景自孔邇。聞說名園殊快然。百年古木撐雲日。一林垂柳圍澗泉。初疑蒼翠暗層閣。忽看曠朗開平川。峨眉丹嶂聳樓外。灑灑清流繞檻前。風亭月榭擬圖畫。竹塢雲屏迷洞天。崇厓峭壁互回抱。雕梁繡棟爭鮮妍。逍遙頗暢煙霞趣。登臨盡見桑麻田。我聞欣然輒神往。臥疴閉戶常經年。雪屋風寒人悄悄。紙窗夜永燈娟娟。寸心廓落絕塵事。斗室棲遲時宴眠。酒熟不嫌習池醉。興酣竊比滄洲仙。詩成聊復遙相贈。足雖未到非無緣。寄言主人招我定。何日爲當續賦靈運山水篇。

明沈石田秋山旅涉圖歌再疊前韻

秋來爽氣凝西山。水清石潔空無煙。岡巒明靜宛如洗。木葉蕭疏重黯然。誰期妙手奪天巧。馮空結

卷十二  
十  
構巖與泉披圖恍惚入林麓移情不異真山川振  
衣嘯傲層崖上訪友聯吟幽澗前谷口青帘隱村  
店峯腰翠柏摩雲天蒼松樹樹競奇古綠竹叢叢  
紛暄妍有明翰墨推文沈此畫文應讓石田風神  
一似趙松雪筆力遠過李公年大癡點染共清潤  
彝齋水墨同便娟危峯缺處置茅屋應有幽人高  
枕眠細尋畫理同詩趣臥游亦是塵中仙嗟余老  
日日昏暗見茲豈非天假緣爲題數語寄幽興請  
繼坡翁煙嶂篇

題陳邦華水墨西子浣紗圖三疊前韻

臉似芙蓉眉似山芙蓉濕露脂生煙鶯啼燕語春  
正永日暖風和景欲然匠心貌得西施艷一雙眸  
子翦秋泉態濃意遠悄無語行行且止來晴川凌  
波綽約步生濕羅衣飄颺卻復前山桃爛漫乍晴  
候楊柳婀娜宜雨天可憐花柳醉心目閒寫名姬  
相鬪妍神妙頗工仇實父精專不減陳芝田翠髻  
雲鬟好粧束正是盈盈三五年彩鳳新紗親浣濯  
交龍窄袖爭芬娟飛來舞蝶釵頭落驚起棲鴛波

上眠嬌。啞洛水瀟湘女。輕如陽臺雲雨。仙惜哉。令  
顏不自愛。沼吳霸越紛黃綠。沈江網去紅顏歇。令  
我長歌薄命篇。

盆松歌四疊前韻

聞道喬松生泰山。參天拔地蟠蒼煙。千株萬株氣  
蓬勃。誠哉鬱鬱葱葱然。嗟余有志力不逮。抱疴莫  
獲游林泉。王粲體弱絕賓客。杜甫囊空老蜀川。雨  
餘風靜閒散悶。緩步直到柴門前。門前買得松徑  
尺。具體而微別有天。短枝自抱凌雲勢。不與桃李  
同芳妍。案頭座右足清供。繁陰亦堪庇硯田。人生  
七十古希有。樂意相關曾幾年。巖桂盈香易零落。  
海棠惟色空嬋娟。況我年來衰益甚。偷閒時愛匡  
牀眠。青衫潦倒伍屠狗。白日昏迷擬醉仙。回頭事  
事都虛願。何似茲松結淨緣。特憐歲暮常無恙。竊  
慕後凋成短篇。

感舊八詠

雪牕夜飲偶憶舊時釣游之所及親串中  
醺飲之地半多廢棄或轉售他姓撫今追

昔不勝慨然各賦五言四韻用舒積懷

竹蔭

清風絲世澤。竹屋數追陪。插架書生蠹。談詩月上苔。庭深塵不到。秋盡桂爭開。轉眼成陳迹。無人問字來。

靜學齋

苦憶談經處。趨庭幾度過。竹疏簾影淨。日暖鳥聲和。奄忽百年易。淒涼萬事磨。遺編幸無恙。罇酒細吟哦。

雨花居

夢破邯鄲枕。遐思花雨天。焚香聊避俗。養性借逃禪。欲淡安瓢鉢。窗幽隔市廛。何當攜惠遠。復此証前緣。

椿樹船室

屋小原如艇。漪漪麥浪環。暮雲千里迥。斜日一林閒。松老煙含翠。苔深石起斑。秋風忽吹散。不見片帆還。

靜遠書樓

春風吹雨歇。茲地暢平生。清影几頭落。白雲樓外  
明。縱橫書滿座。談笑酒頻傾。把袂重相訪。空餘往  
日情。

瓶山別館

結構瓶山下。年年一葦航。主人歡愛客。春酒醉盈  
觴。巒翠疑侵眼花紅。欲染裳。只今空想像。觸緒感  
愁腸。

桐陰書屋

庭梧澹空碧。流影積窗扉。短榻移陰密。幽林過客  
稀。聽憐疏雨滴。坐愛夕陽微。風景未殊昔。襟懷舉  
目非。

東序舊廬

憶從少游宅。不到幾經年。江左承家舊。湖東歷歲  
餘。雪泥空有跡。鄰樹自含煙。往事隨雲散。關心每  
獨憐。

孤坐

一廛寂寞子雲居。且喜論交遂古初。孤坐漸疏名  
世士。清心近愛道家書。題橋有志慚霜鬢。夢筆無

花困里胥十卷楞嚴殊自慰。不隨莊叟慨枯魚。  
碌碌塵寰誤久居。而今纔得覺生初。香燒柏葉閒  
參偈。瓶插梅花伴檢書。伏櫪何須知驥足。冥情卽  
此到華胥。靜觀物我徒勞甚。盡似環游盆沼魚。  
竟日蒲團一席居。欲從鵬化二毛初。養生自有丹  
田寶。閉戶慵觀黃石書。敢異世人鳴澹泊。怕隨流  
俗共淪胥。布衣砥行終何益。贏得班聯蠹字魚。

蠹魚次晉陶靖節先生桃花源詩韻

余嘗讀魏叔子集有脈望齋文集跋謂天

下之生莫貴於人。莫微於蟲。蟲至於蠹魚  
則微之微者。然且三食神仙字。則爲脈望  
而與之俱仙。甚矣乎其善變也。士君子被  
服古人誦法。其言語文章。經乎耳目。歷乎  
口。以入乎腹。心所謂食。聖賢之字。何止萬  
千。而且言其言。書其書。及退考其行事。往  
往出於禽獸盜賊所爲。嗚呼。抑何不善變  
與吾少也。善病年未三十。卽棄舉子業。然  
性喜讀書。雖祁寒暑雨。輒手一編。忘倦而

尤好攷論古今來人物得失每見孝子順  
孫端人志士未嘗不流連慨慕心艷其爲  
人及見貪庸反覆無恥之徒或從俗以富  
貴或忍心爲梟獍甚則故家舊族或亦盡  
反高曾之矩矱而勿顧者則又未嘗不扼  
腕咨嗟發憤痛恨深嫉其爲人夫蠹魚三  
食神仙字而爲脈望人有得之者卽可以  
仙去竊計余自束髮好蓄書凡六經四子  
書外天文地理周秦諸子漢魏百家暨仙

經釋典藥譜方書以迄唐宋人詩古文詞  
雖不能多讀然時一瀏覽率心欽口誦而  
不忍釋入此歲來忽忽年五十有一矣顏  
觸食貧依然故我馬卿善病絕無片長慨  
去日之浸多負親恩而罔報不幾蠹魚之  
不若乎昔程子有言今人少有能讀書者  
如讀論語未讀時如此人旣讀時亦如此  
人卽是未曾讀言念及此曷勝忸怩內愧  
而白汗交下不止然而悔無及矣今已矣



卷十二  
將坐以須老因作此以示世之有志讀書者

嗟余善無紀幸生 聖人世臥疴白日馳多病  
韶光逝學愧兼人資行負半途廢秉性復少諧一  
榻時閒憩經年閉戶居雅好在詞藝警彼蠹字魚  
紙墨作租稅果腹飽殘編虜也不聞吠快窺老萊  
衣冠履絕時製承歡舞堂前千載仰孤詣怕觀反  
側徒心獸色爭厲宜豁忘所生蕭朱隙末歲不如  
蓂爾蟲蠢然冥無慧三食字神仙變化超仙界吾

人誦詩書本以發蒙蔽日飲聖賢言奚止千萬外  
董醇與賈茂有志自深契

遇田舍翁戲贈

坐擁倉箱樓閣重居然萬戶列雄封醉歸別院天  
還小夢繞巫山興獨濃漫赫鷓鷯甘鼠腐滿堆魚  
菽樂賓從應門幸有烏龍快一任蔬園鬧蝶蜂

白紵詞

飄輕裾曳長袖洛陽女兒花枝茂勸君不用雙眉  
縐且吟白紵爲君壽鳳笙吹暖天地春畫棟凝雲

絃管新。人生行樂宜及辰。

吳歌巴歛不耐聽。綠水襄陽且復停。小蠻腰細掌  
中輕。明粧麗服姿傾城。臨風楚舞百娟生。玉釵拂  
面挂君纓。挂君纓。邀君顧。朝朝暮暮常相親。他日  
得新莫忘故。

紅燭青燈艷綺羅。玉壺春酒旨且多。美人既醉芳  
顏酡。凝眉斂笑擬更歌。銀箭驚催虬漏殘。忽看星  
斗落江寒。爲歡幾何奈夜闌。

長別離

一別終天去不回。雪窗復見寒梅開。惠書積盈箱  
開卷令人傷自來。眞賞幾人在能識茅容惟郭泰。  
鍾期伯牙古難再。論交至此增慷慨。增慷慨。愛莫  
代。尚想煉陰太上民。化去千年還作人。巫陽兮巫  
陽。爲我招魂乘彼白雲。翩何姍姍其來云。翦燭西  
窗重論文。

古意

自古無長生。孔孟同一死。剎那天年終。彭祖等殤  
子。

天地豈不仁萬物自芻狗。惛惛夢不醒。憫殺漆園叟。

我有無字易。無否亦無可。窮達聽之天。君平不如我。

父母不我棄。貽我徑寸珠。此珠人皆有。窮子棄道途。

環堵貧非病。西河義勝肥。我則異於是。一笑都不知。

形骸同逆旅。死生共一條。天刑莫能解。凡民壽亦夭。

鸚鵡

鸚鵡能言語。聰明反誤身。閉籠增自惜。翦翅奮無因。苦負羽殊族。翻疑色事人。可憐飛舞意。空憶鄧林春。

犬

念爾職司戶。無才亦孔嘉。如何忘警夜。偏欲效歌花。幸免殺充饌。好傳書到家。那堪聲似豹。復此亂喧譁。

雞

登場禾黍羽毛豐。輒復昂然氣概雄。豈解宋牼談  
學術。慣欺秦法脫樊籠。爲因金距爭人艷。贏得朱  
冠照眼紅。虛矯一生殊自得。那知鶴立竟羣空。

○長歌行

嚴冬困霜雪。萬物莫不殘。春風應時至。草木盡暄  
妍。著花無醜色。紅紫爭芳芬。大氣運天地。榮枯本  
自然。人壽百年稀。倏如飄風馳。不見桃李花。方春  
弄嬌姿。豈無數旬好。未久旋紛飛。自非古仙人。涉

世曾幾時。子雲不曉事。草元擬軒義。寂寞老窮巷。  
空文復何爲。

○怨歌行

佳人美芳歲。顏色桃花紅。待時處閨闈。意氣凌春  
風。脫簪能納誨。遠嫁堪和戎。懷才殊自異。會貯金  
屋中。過時不得意。雲髮成飛蓬。親故日疏遠。箱囊  
亦已空。世情善翻覆。人面逐西東。含愁賦紈扇。排  
悶理絲桐。一彈再三歎。聊以寫幽衷。幽衷復誰識。  
曲盡心無窮。

○孤鴈篇次晉陸平原燕歌行韻

鴻翔冥冥鴈莫追北風捲地沙塵飛天寒日暮霜  
盈墀孤鴈哀鳴心傷悲雲天萬里鴻不歸雁聲淒  
其羣侶違月明欲落殘星輝銜蘆巡更莫敢棲隻  
影蕭條河水溜令我感此涕不晞憂從中來知者  
誰醉酒悲歌杯放遲

送竈

權尊司命共心傾跪送雲車此夕行一點仁心私  
自許憑神功過記分明俗傳竈神于己丑  
日上天白人罪過

分歲了適見案頭水仙乍開清寒可愛因取

詩橐及花並供一席列茶果酒脯香燭祭  
之

迎新送舊歲方除得水得仙花乍舒感我十年勤  
苦索酬勞深夜薦盤蔬

詩含花韻句尤鮮花得詩情態更妍聞說浪仙曾  
自祭也應輸我此因緣

我本前身姑射徒偶來塵世作詩癩而今快共羣  
仙飲借問凡夫知也無

...

...

...

...

...

...

六

...

...

48-12786

